

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**S 4. VANREDNE SJEDNICE GRADSKOG VIJEĆA TUZLA ODRŽANE 18.  
NOVEMBRA 2019. GODINE U POSLOVNOM OBJEKTU „GRAFIČAR“ S  
POČETKOM U 11,30 SATI**

**-SJEDNICI PRISUSTVUJE 29 VIJEĆNIKA**

**U Tuzli, novembar 2019. godine**

**MIREL MIŠKOVIĆ – zamjenik predsjedavajućeg Gradskog vijeća Tuzla  
- vijećnik Tuzlanske alternative**

Pozivam vijećnike da uđu u salu. (Intoniranje himne Bosne i Hercegovine.)  
Poštovani vijećnici Gradskog vijeća Tuzla, poštovani gradonačelnice Grada Tuzle, predstavnici gradskih službi, predstavnici gradskih službi, predstavnici boračkih i nevladinih organizacija, članovi savjeta mjesnih zajednica, predstavnici sredstava javnog informisanja, dragi gosti, otvaram 4. vanrednu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 29 od ukupnog broja vijećnika (31), što je dovoljno za punovažan rad i odlučivanje.

Za današnju sjednicu svoj izostanak su najavili sljedeći vijećnici i vijećnica. Pod jedan Aleksandar Vujadinović. Pod dva Hidajeta Jarčević.

Predlažem da im opravdamo odsustvo.

Članom 60. stav 7. Poslovnika Gradskog vijeća Tuzla („Službeni glasnik Grada Tuzle“ 7/17., 2/18. i 8/19.) propisano je da će predsjedavajući Gradskog vijeća obavijestiti Gradsko vijeće o razlozima hitnosti zakazivanja vanredne sjednice.

Današnja vanredna sjednica Gradskog vijeća Tuzla zakazana je, u skladu sa članom 59., a u vezi sa članom 60. stav 6. Poslovnika Gradskog vijeća Tuzla („Službeni glasnik Grada Tuzle“ 7/17., 2/18. i 8/19.), na prijedlog gradonačelnika Grada Tuzle, uz saglasnost članova Kolegija Gradskog vijeća.

Imajući u vidu saznanja iz medija da je Vlada Federacije Bosne i Hercegovine dodijelila Vijeću Ministara Bosne i Hercegovine - Ministarstvu sigurnosti Bosne i Hercegovine dvije nove lokacije za smještaj migranata i da je jedna od njih napuštena kasarna u Ljubačama, kao i izjavu šefa Misije IOM-a, Međunarodne organizacije za migracije, Petera Van der Auweraerta (Pitera Van der Overarta) da je Međunarodna zajednica tražila dvije nove lokacije, kako bi migrante smještene u kampovima na području Unsko - sanskog kantona, rasporedila na dvije nove lokacije u Tuzlanskom kantonu i Kantonu Sarajevo te imajući u vidu da je, prema saznanjima, jedna od planiranih lokacija kasarna u Ljubačama, koja se nalazi između dva Grada, Grada Tuzle i Grada Živinica te da je Vlada Federacije Bosne i Hercegovine bila dužna, u skladu sa članom 4. stav 6. Evropske povelje o lokalnoj samoupravi, prije donošenja odluka, koje se direktno tiču građana u obje lokalne zajednice (Gradu Tuzli i Gradu Živinice) konsultovati lokalne vlasti, što Vlada Federacije Bosne i Hercegovine nije učinila, gradonačelnik Grada Tuzle je 15. 11. 2019. godine podnio prijedlog za sazivanje vanredne sjednice Gradskog vijeća Tuzla sa jednom tačkom dnevnog reda, pod nazivom: RAZMATRANJE I USVAJANJE PRIJEDLOGA ZAKLJUČAKA KAO ODGOVOR NA ODLUKU VLADE FEDERACIJE BIH OD 14. 11. 2019. GODINE DA SE KASARNA U LJUBAČAMA DODIJELI VIJEĆU MINISTARA - MINISTARSTVU SIGURNOSTI BIH ZA SMJEŠTAJ MIGRANATA

Kako je donošenjem ove odluke od strane Vlade Federacije Bosne i Hercegovine, došlo do uznemirenja lokalnog stanovništva, koje je od gradskih vlasti zatražilo preduzimanje adekvatnih mjera, članovi Kolegija Gradskog vijeća su prihvatili prijedlog gradonačelnika Grada Tuzle, te je hitno, za danas, zakazana vanredna sjednica Gradskog vijeća Tuzla. Stoga, za današnju 4. vanrednu sjednicu Gradskog vijeća Tuzla predlažem dnevni red sa jednom tačkom:

**RAZMATRANJE I USVAJANJE PRIJEDLOGA ZAKLJUČAKA KAO ODGOVOR NA ODLUKU VLADE FEDERACIJE BIH OD 14. 11. 2019. GODINE DA SE KASARNA U LJUBAČAMA DODIJELI VIJEĆU MINISTARA - MINISTARSTVU SIGURNOSTI BIH ZA SMJEŠTAJ MIGRANATA.**

Pitam vijećnike da li ima prijedloga za izmjene i dopune predloženog dnevnog reda. Ako nema, stavljam na izjašnjavanje predloženi dnevni red.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je 29 vijećnika glasalo za, bez glasova protiv i bez suzdržanih glasova, te je jednoglasno usvojen slijedeći:

## **D N E V N I R E D**

**RAZMATRANJE I USVAJANJE PRIJEDLOGA ZAKLJUČAKA KAO ODGOVOR NA ODLUKU VLADE FEDERACIJE BIH OD 14. 11. 2019. GODINE DA SE KASARNA U LJUBAČAMA DODIJELI VIJEĆU MINISTARA - MINISTARSTVU SIGURNOSTI BIH ZA SMJEŠTAJ MIGRANATA.**

Prelazimo na realizaciju Dnevnog reda današnje četvrte vanredne sjednice Gradskog vijeća Tuzla:

**RAZMATRANJE I USVAJANJE PRIJEDLOGA ZAKLJUČAKA KAO ODGOVOR NA ODLUKU VLADE FEDERACIJE BIH OD 14. 11. 2019. GODINE DA SE KASARNA U LJUBAČAMA DODIJELI VIJEĆU MINISTARA - MINISTARSTVU SIGURNOSTI BIH ZA SMJEŠTAJ MIGRANATA.**

Sada pozivam gradonačelnika Grada Tuzle Jasmina Imamovića da da uvodno izlaganje po ovoj tački Dnevnog reda. Izvolite.

**JASMIN IMAMOVIĆ – Gradonačelnik Grada Tuzle**

Bosna i Hercegovine nije ničim, niti jednom radnjom izazvala ovu veliku, mnogi kažu poslije 2. svjetskog rata, najveću svjetsku migrantsku krizu.

Sada imamo situaciju da zemlja Evropske unije Grčka pušta migrante u zemlje bivše Jugoslavije, sjevernu Makedoniju, Srbiju i Crnu Goru, a druge zemlje Evropske unije ne dopuštaju da migranti iz BiH odu u neku iz zemalja Evropske unije.

Dakle, nekad su oni išli preko Bugarske. Bugarska je potpuno kao zemlja Evropske unije zatvorila granicu, Rumunija, Mađarska isto, nekad su išli tamo. Potpuno zatvorili granicu. Hrvatska je sada vidimo zatvorila granicu, tako da nam dođu iz Grčke koja je u Evropskoj uniji, ljudi u Bosnu i Hercegovinu, a onda Evropska unija neda da dalje izađu iz Bosne i Hercegovine.

To je činjenica. Unutar BiH niko ne prigovara, niti traži samilost prema migrantima i zakonitost u skladu sa međunarodnim konvencijama postupanje prema migrantima kada je u pitanju prostor Republike Srpske i kada je u pitanju prostor Hercegovine.

Većina migranata našla se u Bihaću i Unsko-sanskome kantonu i tamo se dogodila katastrofa.

Dakle, 24 osnovne škole su u tom Kantonu zatvorene ove godine. Ljudi u Unsko-sanskom kantonu teško pate. Jer je došlo do niza pripusta nadležnih državnih organa, na zaštitu granice.

Dalje migrante dovode krijumčari, oni koji se bave krijumačarenjem ljudi, oružja, droge i na migrantima zarađuju velike novce.

Na press konferenciji ministar unutrašnjih poslova Slovenije je Ministarstvo Slovenije saopštilo da tamo krijumčari naplaćuju po jednom migrantu za prelazak granice od hiljadu ipo do tri hiljade eura.

Dakle granice su porozne, a ne vidimo da su nadležni državni organi pravosuđa i policije otkrili, optužili i osudili nekoga od krijumčara koji ovdje sprovode i dovode.

Polako se Bosna i Hercegovina pretvara u tampon zonu, tampon zonu, a ovdje dolaze migranti, a ne izbjeglice.

Često neki vole, ja bi rekao koji zarade na migrantima kažu, zar su bosanci zaboravili? Bosanci su došli, to su bile izbjeglice, pobjegli od rata i masovnih ubijanja. Dalje to je zanemarljivo maleni broj ljudi iz Bosne i Hercegovine.

Ovdje se radi o zemljama s dva kontinenta gdje žive na stotine miliona ljudi. Premalena smo zemlja da to podnesemo.

Državna vlast i entitetska vlast za sada nema adekvatnog odgovora i ne vidimo aktivnost policije na usporavanju kretanja. Ljudi ulaze u našu zemlju kao u svoju. Slobodnije se kreću nego mi.

Ko od vas ide u neki drugi BH grad a da ne ponese dokumenta i ličnu kartu? I sada državna i federalna vlast u panici, jer zima ide, donosi jednu ishitrenu i ja bi rekao jako štetnu i katastrofalnu odluku.

Dakle, Vlada Federacije je svojom Odlukom od 14. 11. 2019. godine da se kasarna u Ljubacama dodijeli Ministarskom vijeću BiH prekršila član 4. stav 6. Evropske povelje o lokalnoj samoupravi jer prije donošenja navedene odluke koja se direktno tiče građana u dva grada u Tuzli i Živinicama, dva najmnogoljudnija grada u najmnogoljudnijem kantonu između kojih i na čijim terenima se nalazi kasarna, koja je čak i minirana, nije konsultovala lokalne vlasti ni Živinica ni Tuzle.

Ja smatram da su tu obavezu svjesno izbjegli. Ja sam sve, znajući da Vlada o tome razmišlja, nakon što je ministar sigurnosti Mekić rekao da Vlada nudi, sve uradio da probam da saznam, kao gradonačelnik ovoga grada, o kojim lokacijama razmišljaju. Sve sam uradio da predložim ljudima u Vladi Federacije da to ne treba da bude, da to treba da bude lokacija gdje nema lokalnog stanovništva. Jer je takvih lokacija mnogo, širom BiH mnogo i u Federaciji.

Dakle, potajno, potajno to kršeći Evropsku povelju o lokalnoj samoupravi oni donijeli su Odluku.

Ovdje vam je citirana i tačan član 6. Evropske povelje o lokalnoj samoupravi i koju je ratifikovala ova zemlja Bosna i Hercegovina i koja je naš zakon kojih se obavezno moraju pridržavati svi nivoi vlasti.

Ova Odluka je dovela do uznemiravanja svih građana Tuzle, a naročito građana pet mjesnih zajednica Ljubače, Par Selo, Pasci, Husino, Kiseljak i mjesne zajednice Živinice Suha. Ali i svih građana Tuzle.

Zato tražimo od Vlade, predlažem da ovo Vijeće zaključí, tražimo od Vlade Federacije da navedenu Odluku stavi van snage, kao i od Vijeća ministara BiH i Ministarstva sigurnosti BiH da se poduzmu adekvatne mjere i hitno obezbijedi lokacija koja je pogodna migrantima. Da migrantima obezbijedi adekvatan boravak i zaštitu shodno odredbama Međunarodnog pakta o ekonomskim, socijalnim i kulturnim pravima iz 1976. godine, a da se pri tome ne izazove uznemirenost i ne ugrozi prava i slobode lokalnog stanovništva.

Dakle, mi smo humana zemlja, humani građani. Mi smatramo da treba pomoći migrantima, ali ne na način da se ugroze, pa čak i onemogućé životi građana lokalnog stanovništva.

To je moguće ostvariti tako što će Vlada Federacije odabrati lokacije na kojima nema lokalnog stanovništva. Ili skoro nema lokalnog stanovništva. Tako je migrantsku krizu susjedna Srbija prebrodila. To tako rade u svim zemljama Evrope i svijeta.

Mi smo išli u posjetu migrantima iz Bosne u Turskoj, vozili smo se skoro tri sata daleko od Istanbula.

Ponovo tražimo da nadležni organi, a to je Tužiteljstvo Bosne i Hercegovine, Sud Bosne i Hercegovine, Državna agencija za istrage i zaštitu i druge nadležne agencije, učine sve da se prekine lanac krijumčarenja ljudima, migrantima i u tom smislu zatraži pomoć susjednih zemalja i Evropske unije.

Zahtijevamo zatvaranje granica BiH na način koji su države Evropske unije, dakle stalno govorimo o evropskim vrijednostima i evropskim standardima.

Evo Evropske unije Bugarska, Rumunija, Mađarska, Hrvatska i Slovenija zatvorile su svoje granice pod uvjetom da to ne bude tako radikalno i da to zatvaranje nikada ne preraste u prekomjernu upotrebu sile jer se radi o ljudima. Da nikad ne preraste u bilo kakvu mogućnost povrede prava, pogotovo na fizički integritet, na život i zdravlje migranta.

Pozivamo nadležne da nam dostave odgovor o tome da li su i šta učinili po pitanju realizacije zaključaka Gradskog vijeća sa sjednice od 27. 6. 2019. godine koje smo donijeli povodom informacije u vezi s migrantskom krizom i ulaskom i boravkom migranata na područje Tuzle sa prijedlogom mjera.

Apelujemo na Međunarodnu zajednicu da problem migrantske krize rješava na mjestu nastanka, odnosno da radi na rješavanju krize i poboljšavanju životnog standarda i osnovnih uvjeta za život ljudi u zemljama iz kojih dolaze migranti.

Apelujemo na Evropsku uniju da sačuva svoju vjerodostojnost. Svoju vjerodostojnost i naše povjerenje u Evropsku uniju.

Jer ne može nam se ovdje iz zemlje Evropske unije migranti slati u BiH, a onda onemogućiti da ti migranti odu iz BiH.

Ne možemo to podnijeti. Nema nas dovoljan broj. Apelujem na Evropsku uniju kad već imamo migrante koje imamo, da ti centri budu raspoređeni u oba entiteta širom BiH.

Širom BiH. Ja nisam za to da migrantski centri budu na prostorima gdje su pretežni recimo stanovništvo, srpsko stanovništvo ili pretežno hrvatsko stanovništvo, ili pretežno bošnjačko stanovništvo.

Dakle, to je velika migrantska kriza i ko god gura migrante drugome, jer mu ne želi dobro poslije će se kajati.

Mi u BiH moramo sada biti jedinstveni ili ćemo se doživotno kajati. Jer ovo je najveća migrantska kriza nakon 2. svjetskog rata.

Najveća migrantska kriza nakon. Sad treba da razumijemo jedni druge, kao što smo jedni druge razumjeli u vremenu poplava 2014-te godine. Sad nam treba razum, pamet i strpljenje.

Vladi Federacije i Vijeću ministara kažemo da ne može biti ovdje lokacija u Ljubačama. Ne može tu biti ta lokacija. Iz više razloga. I da lokacija, a radi zbrinjavanja migranata treba da bude na prostorima gdje nema lokalnog stanovništva.

Ja se slažem sa zaključcima i naših mjesnih zajednica i zaključcima vijećnika Gradskog vijeća Živinica. Hvala vam.

## **MIREL MIŠKOVIĆ**

Zahvaljujemo gradonačelniku. Sada pozivam predstavnike mjesnih zajednica koje okružuju kasarnu u Ljubačama, gdje je predviđen migrantski centar da nam se obrate i prenesu stavove lokalnog stanovništva.

Pa mogu redom onako kako oni se dogovore. Izvolite. Samo se predstavite prije.

### **SENAID AVDIĆ – predsjednik Savjeta Mjesne zajednice Gornji Pasci**

Uvaženi predsjedavajući, gradonačelnice Grada Tuzle, uvaženi vijećnici Gradskog vijeća Grada Tuzle, da vas srdačno selamim i pozdravim ispred Savjeta Mjesne zajednice.

Ja sam Pasci Gornji, ja sam predsjednik Savjeta Mjesne zajednice Gornji Pasci Senaid Avdić.

I da vam se ujedno i zafalim za mogućnost ovde da se obratim ispred Savjeta svoje Mjesne zajednice i ispred građana mjesne zajednice.

Pa mjesna zajednica Pasci nalazi se na granici između Grada Tuzle i Grada Živinice. Jedan dio teritorijalno pripada Živinicama, a administrativno pripada Gradu Tuzli.

I mjesna zajednica broji negdje tri, 3,5 hiljade stanovnika. Mi smo za ovu slobodu koju danas imamo dali velike žrtve u ovom proteklom ratu. I fala bogu to smo se izborili i imamo i slobodu i nećemo nikome dozvoliti da nam ovde sad ovu slobodu uništi.

Iz razloga da se tu distancira blizu naše mjesne zajednice šest hiljada ljudi za koje ne znamo ni ko su, ni odakle su, kakvu imaju namjeru i jednostavno ništa.

Zašto? Zato što se prva kuća iz naše mjesne zajednice nalazi 100 metara od te, mi to zovemo Tehnika, tu je nekad bila Tehnika to je bilo najmodernije granate, to su granate što su vojska četnička odvukla i te su granate nas i udarale.

Mi tu svoju slobodu i kretanje ovo ne bi sigurno imali kad bi došli ti ljudi ovdje s obzirom da vidimo dole u Bihaću kako se ljudi ponašaju. Tu su su tuče, pljačke. I da ne govorim sve. To znači mi nemamo ništa protiv, mi smo jedna siromašna mjesna zajednica, ali smo humani ljudi. humani smo ljudi.

Mi gdje god treba kakva recimo akcija što se tiče hrane, odjevanja, ovo, ono, mi smo se uvijek odazivali i mi ćemo se i dalje odazivati. Ali da nam tu neko nepoznat dolazi u blizu u naše krajeve, da nam sutra ili recimo živimo od poljoprivrede.

Ja nemam ništa drugo. Ono što posijem, uberem malo voća, od toga i živim i da mi neko to uništi ja nemam ništa.

Ili recimo da mi žena ne može ići na autobusku stanicu na Ljubače pa da ide mi tamo recimo kćeri u Suhu. To sigurno ne bi mogli kad bi nam došli ovi ljudi ovde.

Onda tu smo zajedničke mjesne zajednice smo tu i u jednu ruku nas je i strah da nam se ti ljudski odnosi poremetili zato što tu živimo i Srbi i Hrvata, ima nas i hvala bogu svi smo tu zajedno i živimo i ko zna neka sutra bude tu neki incident ovo ono, to bi se vjerovatno odrazilo i po tom pitanju.

I ovdje isto što se tiče bezbjednosti mi nismo bez tih, bez tih hajde da ne kažem te izbjeglice, ti što dolaze migranti ljudi, mi nismo ni sad prije njija mi nismo bezbjedni. Zašto? Zato što se naše kuće pljačkaju sad u ovom trenutku. Niko nije otkrio policija ko je opljačko. Evo u moju su kuću ulazili. Kroz prozor u kupatilu ovdje jednostavno nikad niko nije otkrio. A šta kad bi došli ovi ljudi. Ono što mi posijemo to bi ljudi obrali zato pa gledam juče imaju topli obrok za čitav dan.

To znači ovde jednostavno mi ne bi mogli opstati. Zato se i bojimo da ne bi izgubili ovu slobodu.

E sad ovo dole što se to plasira u Ljubače, ko je donjeo tu odluku stvarno to je iznenađenje jedno veliko.

Baš da se tu, to je najveća, ja ne znam najvjerovatnije da znate. To je jedna prometnica. Ima hotel sa pet zvjezdica, ide se prema Živinicama, Lukavcu, to jednostavno tu je kretanje i slobodu imamo ja mislim ovo što bi ljudi došli, s obzirom da znamo dole u Bihaću njihovo ponašanje mi bi jednostavno bili u drugoj situaciji.

Evo ja sam i prošao kroz svoju mjesnu zajednicu i maksuz, pošto smo imali sa gradonačelnikom jedan sastanak, to znači svi su ljudi protiv da ti ljudi dođu. A da se ljudima nađe adekvatno negdje gdje su izvan, da se ljudi zbrinu, to nije niko protiv, što možemo pomoći pomoćemo, ali ljudi tu da dolaze, mi smo zaista protiv. Eto toliko. Hvala vam još jednom.

## **MIREL MIŠKOVIĆ**

Zahvaljujem. Pozivam ako ima još neko od predstavnika mjesnih zajednica da se obrati.

## **MARKO TOMIĆ - predsjednik Savjeta Mjesne zajednice Par Selo**

Poštovane dame i gospodo pozdrav svim, predsjedavajućem Vijeća, gradonačelniku, kao i vijećnicima i gostima. Ja sam Marko Tomić, predsjednik Mjesne zajednice Par Selo.

Što da vam kažem, da se ne bi puno ponavljali. U mjesnoj zajednici Par Selo ogorčenje je veliko građana i nezadovoljstvo sa ovom Odlukom Vlade Federacije. koju su donijeli i ustupili ove prostorije Vijeću ministara, odnosno Ministarstvu sigurnosti.

Što bi vam još kazao? Kažem građani su totalno nezadovoljni, kako sa ostalim našim ovim mjesnim zajednicama koji gravitiraju u ovom objektu, ukupno pet, odnosno šest, kao i nezadovoljni su sa statusom Grada Tuzle u ovom slučaju, statusom Grada Živinica u ovom slučaju tako da je komplet poremećeni su što kaže ljudi strahuju od poremećaja međuljudskih odnosa i svega onoga što donose ovi migranti jel.

Migrantska kriza znamo da nije od jučer ali državne vlasti, federalne vlasti i institucije nisu učinile ništa da ovim ljudima osiguraju neki adekvatan i odgovarajući smještaj.

Sad kad je zima došla već tu, kuca na vrata što kaže, sad su se sjetili da imaju problem smještaja migranata i iskopali su taj naš lokalitet što je totalno neprimjereno.

Mi, kažem još jednom, mi jesmo da se ljudima pomogne, ali ne u urbanim sredinama konkretno u ovom slučaju Ljubačama koje su što kaže tu na pola puta između Grada Živinica i Grada Tuzla.

Znači jesmo za pomoć ali ne na ovakav način. Ima milion lokacija u državi, federaciji i u RS-u gdje se može na adekvatniji način da se smjeste. Eto. Toliko hvala puno.

## **MIREL MIŠKOVIĆ**

Zahvaljujem. Ima li još neko od predstavnika mjesnih zajednica? Ima. Predstavnik Mjesne zajednice Ljubače. Izvolite.

## **DRAŽAN VILUŠIĆ - predsjednik Mjesne zajednice Ljubače**

Ja sam Dražen Vilušić, predsjednik sam Mjesne zajednice Ljubače. Tu sam da vam saopćim stav stanovništva, prevashodno, pa onda i Savjeta Mjesne zajednice Ljubače da smo mi decidno protiv dolaska ili korištenja Vojarne Ljubače za kamp migranata.

Stanovništvo je ogorčeno. Stanovništvo je zabrinuto. Stanovništvo je nesigurno. Juče sam obavio razgovor sa deset, petnaest domaćina dole koji imaju kuće pored, svi su jednoglasni svojim tijelima izaći i braniti ulazak migranata u Vojarnu.

Od mene toliko. Hvala vam.

**MIREL MIŠKOVIĆ**

Zahvaljujem. Pozivamo idućeg predstavnika.

**STJEPAN BOŽIĆ – predsjednik Savjeta Mjesne zajednice Husino**

Pozdrav za sve prisutne. Ja sam Stjepan Božić, predsjednik Savjeta Mjesne zajednice Husino.

Mjesna zajednica Husino graniči sa mjesnom zajednicom Ljubače na kojoj je određena lokacija za migrante.

Mi građani mjesne zajednice Husino i Savjet Mjesne zajednice Husino smo apsolutno protiv migranata da se lociraju gore u mjesnoj zajednici Ljubače ili bilo gdje u gradu Tuzli pošto Vlada Federacije i Ministarstvo sigurnosti imaju lokacija u Bosni i Hercegovini koje nisu naseljene.

Zato apeliram na sve ovdje prisutne, odnosno na vijećnike da budemo složni i da u gradu Tuzli i okolini nemamo migranata. Toliko i hvala.

**MIREL MIŠKOVIĆ**

Zahvaljujem. Pozivam predstavnika Mjesne zajednice Kiseljak da nam se obrati.

**DRAGAN BOŽIĆ - predsjednik Savjeta Mjesne zajednice Kiseljak**

Pozdravljam sve u sali. Ja sam Dragan Božić, predsjednik sam Savjeta Mjesne zajednice Kiseljak.

Evo kolege koji su prije bili ovdje rekli. Mislim da se nema šta ni dodati ni oduzeti. Znači ove mjesne zajednice znači u kojim gravitira i mjesna zajednica Kiseljak su najvećim dijelom ugrožene, ali vjerujte da i ostale mjesne zajednice koje pripadaju gradu Tuzla i znači mjesne zajednice gradu Živinice bit će isto tako ugrožene.

Mi nismo znači da se ti migranti protjeraju nešto im se loše uradi. Ovo je došlo kao grom iz vedra neba da više instance od Vlade Federacije i Savjeta ministara odlučuju o nečemu što mi trebamo odlučiti.

Mislim, moj prijedlog je ovde da mi trebamo podržati stav ovih pet mjesnih zajednica, stav mislim Gradonačelnika Tuzle a i stav koji bi trebao biti i ovoga Vijeća da se migrantima pomogne ali ne na ovaj način. Da se nađe neka lokacija koja nije blizu naseljenog mjesta, a pogotovu lokacija koja se sad predlaže, a to je lokacija Ljubača jer bi to ugrozilo dosta stvari od ekonomije i kretanja i slobode kretanja i ostalih stvari. Eto toliko od mene. Hvala.

**MIREL MIŠKOVIĆ**

Hvala. Zahvaljujem. Prije nego što otvorimo raspravu klubova vijećnika, ja ću pozvati sekretara Gradskog vijeća da nam pročita zaključke sa savjeta mjesnih zajednica koje okružuju migrantski centar. Izvolite.

**SLADANA KRAJINA – sekretar Gradskog vijeća Tuzla**

U skladu sa dogovorom sa vanredne sjednice Kolegija Gradskog vijeća Tuzla održane neposredno pred početak današnje vanredne sjednice, a kojoj su prisustvovali i predstavnici ovih mjesnih zajednica ja ću pročitati zaključke sa zajedničkog sastanka savjeta mjesnih



zajednica Ljubače, Pasci, Husino, Iseljak i Par Selo sa područja grada Tuzla i Savjeta Mjesne zajednice Suha sa područja grada Živinice koji je održan 16. novembra 2019. godine u povodu informacije o mogućnosti otvaranja kampa za migrante na lokaciji vojne Kasarne kod Ljubača koju je donijela Vlada Federacije Bosne i Hercegovine bez prethodne konsultacije i saglasnosti sa lokalnim zajednicama u koju bi se izmjestili migranti sa područja Unsko-sanskog kantona te ostalih dijelova Bosne i Hercegovine.

Prvi zaključak. Podržava se i pozdravlja odluka Gradskog vijeća Grada Živinica da se ne prihvati ponuđena lokacija za ovaj migrantski kamp, a to isto očekujemo i od članova Gradskog vijeća Trada Tuzla, te Vlade i Skupštine Tuzlanskog kantona.

Svi članovi savjeta navedenih mjesnih zajednica jednoglasni su u odluci da je ponuđena lokacija neprihvatljiva za sve građane ovih mjesnih zajednica, kao i za cijeli grad i Živinice i Tuzlu, pa i šire, jer je ista neprimjerena svojoj namjeni, prvenstveno lokacijski, te imajući u vidu činjenicu da se nalazi na granici dvaju gradova Živinica i Tuzla, čime bi bila ugrožena i vrlo usložena bezbjedonosna situacija svih stanovnika, ugrožena industrijska zona u kojoj je zaposleno preko tri hiljade radnika, blizina osnovnih škola, Međunarodni aerodrom Dubrave, te magistralna cesta Tuzla – Sarajevo i mnogi drugi infrastrukturni i poslovni objekti.

Posebno je potrebno napomenuti zabrinutost i strah građana za njihovu ličnu i imovinsku sigurnost kada znamo šta sve dolazi sa formiranjem tog kampa i koji problemi se javljaju (provale u kuće, silovanja, maltretiranja, sukobi koji se nekad završavaju i tragično), te imajući u vidu i činjenicu da je vrlo velik broj stambenih objekata na ovim lokacijama prazan pa bi vrlo često dolazilo do nasrtaja na imovinu stanovnika koji se nalaze u okruženju gdje su predviđeni smještajni kapaciteti za migrante, te samim tim i povećanje stope kriminaliteta.

Treći zaključak. Članovi savjeta navedenih mjesnih zajednica prenose vrlo negativno raspoloženje i zabrinutost kako svoju tako i ostalih građana zbog odluke Vlade Federacije Bosne i Hercegovine o namjeri formiranja ovog kampa na navedenoj lokaciji, te poručuju da će istrajati u svojim zahtjevima da se odustane od formiranja ovog kampa.

Četvrti zaključak. Isto tako poruka svim nivoima vlasti je da su građani ukoliko se ne odustane od navedene lokacije spremni izraziti građanski neposluh i samoorganizovanje u zaštiti svoje lične i materijalne imovine, te koliko god to nepopularno bilo, ali ako to bude jedina mogućnost, ići na proteste i blokade prilaznih i magistralnog puta Tuzla-Sarajevo, te blokadu institucija vlasti kako na kantonalnom tako i na federalnom nivou.

Isto tako potrebno je reći da smo svi svjesni situacije u kojoj se nalaze migranti i da im je potrebno pružiti smještaj i hranu, ali na odgovarajućoj lokaciji, prvenstveno dalje od naseljenog mjesta, a ne na ovoj lokaciji, tako reći u centru gradova Tuzla i Živinice.

Zaključci su dostavljeni Ministarstvu sigurnosti BiH, Operativnom centru za migracije BiH, Premijeru Federacije BiH, dopremijerka Federacije BiH, premijer Tuzlanskog kantona, predsjednik Skupštine TK, Gradonačelniku Grada Tuzla, predsjedavajućem Gradskog vijeća Grada Tuzla i Gradonačelniku Grada Živinice.

## **MIREL MIŠKOVIĆ**

Zahvaljujem sekretaru Gradskog vijeća. Sada otvaram raspravu klubova vijećnika. Prva se za riječ javila Jasminka Mijatović, ispred Kluba vijećnika HDZ-a. Izvolite.

## **JASMINKA MIJATOVIĆ – vijećnik Hrvatske demokratske zajednice**

Hvala gospodine predsjedavajući. Pozdravljam sve nazočne. Cijeneći vrijeme i naših

gostiju ali i naše vrijeme i važnost odluke koju danas u formi zaključaka trebamo donijeti ja neću ponavljati već rečeno.

Znači, Klub vijećnika HDZ Bosne i Hercegovine podržava obrazloženje koje je izrekao gradonačelnik na današnjoj sjednici, zaključke kojiće biti razmatrani i usvojeni od strane Gradskog vijeća, kao i izlaganje svih članova savjeta mjesnih zajednica, podcrtavajući posebno značaj da idu zimski dani i da je neophodno ovaj viševremenski problem riješiti na adekvatan, ali i zakonit način imajući u vidu da je to obveza bila viših razina organa vlasti pogotovo predstavnika naše domovine u Vijeću ministara.

U nadležnosti jedinica lokalne samouprave prema zakonu je i osiguranje i zaštita ljudskih prava i osnovnih sloboda zagarantiranih Ustavom a u što takođe ima utemeljenje Evropskoj povelji o ljudskim pravima i slobodama i koja ima snagu nacionalnog zakonodavstva.

I to je ono što su članovi savjeta iznijeli kako u svojim zaključcima, tako i danas na ovoj sjednici, jer je ovom odlukom, nezakonitom odlukom Vlade Federacije, prije svega povrijeđeno pravo njihovo na adekvatan život u njihovoj i korištenje i uživanje u njihovoj privatnoj imovini.

Jedan član Savjeta je već kazao da smo prečesto svjedoci pljačke i orobljavanja kuća u proteklom periodu i da najčeće te osobe nisu otkrivene ili na adekvatan način sankcionirane ili nemamo uvid u ishod takvih odluka što takođe je u prilog činjenici da su ljudi itekako uplašeni obzirom da prečesto se susreću sa pljačkom svojih kuća i da osobe koje su to počinile načešće nisu sankcionirane.

Dalje, država i nadležni organi očito je da nisu na vrijeme prepoznali kompleksnost ovog trenutačno za mene najvažnijeg problema u Bosni i Hercegovini obzirom da sve ono što se tiče građana grada Tuzle za mene je trenutno najvažnije, te njihovo ne poduzimanje adekvatnih i na zakonu zasnovanih mjera sada prebacuju na lokalne sredine bez detaljne analize i konkretnih mjera koje bi bile dostupne široj javnosti, a prije svega lokalnim zajednicama na koje se odnosi.

Suprotno navedenom nadležne institucije prebacuju ja ću reći lopticu pod navodnicima i na telefonskoj sjednici rješavaju ovu sada dugovremensko važno pitanje.

Prema dostupnim podacima kompleksnost sigurnosne situacije koja se odslikava usljed koncentracije migranata u naseljenim područjima u Unsko-sanskom kantonu u prva tri mjeseca, prema informacijama koje ja imam govori o tome da je evidentirano preko 600 sigurnosnih incidenata u kojima su učestvovali migranti, a samo neki od kvalifikacija kazneni djela, prema dostupnim informacijama je i pokušaj ubistva, djela usmjerena protiv imovine, teške krađe, razbojništva, otuđenja tuđih stvari itd.

Znači ako je ovo okvirni podatak za tri mjeseca, nemamo podatak kakvo je trenutačno stanje, a da ne govorimo o podacima koji su nam dostupni na portalima gdje tamo vlada depresija i da se ljudi, zbog sigurnosti, zaključavaju u ranim popodnevnim satima, a o napadima na osobe ženskog spola, kakav imamo primjer jutros u Živinicama, da i ne govorimo.

Takođe moram istaći jedan od osnovnih problema koji unosi nemir dodatni u ove mjesne zajednice koje su donijele adekvatne zaključke jer ako idemo u zimski period, a riječ je o mjesnim zajednicama gdje nemaju adekvatnu pokrivenost uličnom rasvjetom onda je depresija i osnovan strah na većoj razini.

Analiza stanja javnog reda i mira je takođe jedna od nadležnosti lokalne samouprave i u tom pravcu, na današnjoj sjednici, bi trebali bar imati adekvatnu ili djelomičnu analizu nadležnih institucija jer smo svjedoci da prečesto i na području grada Tuzle policija intervenira najčešće na autobusnom kolodvoru jer postoji sukobi i među migrantima samim i

to je možda jedan od podataka koji bi danas trebali imati i poduzeti naravno određene mjere i zaključke u tom pravcu.

Kada je riječ o Odluci Vlade Federacije koja takođe nije vodila računa o svemu onome o čemu je već od strane drugih govornika rečeno je da je neshvatljivo da Vlada Federacije donosi Odluku u kojoj se za potrebe migranata ustupa prostor koji se nalazi u mjesnoj zajednici Ljubače zanemarujući prethodnu analizu o kojoj sam govorila, a pred sobom imam Plan prioriteta deminiranja na području općine Živinice u 2019. godini koji govori o tome da to područje, odnosno prostor koji se namjerava koristiti za potrebe migranata nije deminiran.

Da općina za tu svrhu treba izdvojiti iznos od 115.984 marke i da nisu planirana sredstva u Proračunu za deminiranje, pa je nejasno sa humanog karaktera kako Vlada Federacije može donijeti odluku kojom ustupa prostor i na neki način unaprijed useljava migrante u prostor koji je miniran?

To je ono što je neshvatljivo i što govori u prilog tome da zaista detaljne analize nije bilo.

Takođe Vlada Federacije donosi odluku na žurnoj sjednici telefonskog karaktera i imajući u vidu kompleksnost ovakvog problema i potrebu konsultiranja lokalne samouprave, kako je to već gradonačelnik rekao, samim tim krši sve moguće propise kako ove države, tako i propise koje je Bosna i Hercegovine ratificirala.

Dalje, u narodu popstoji priča, bar na ulicama Sarajeva sam čula sam priču da je za ovu krizu u Bosni i Hercegovini izdvojeno i doznačen neki iznos koji govori čak do 44.000.000 eura a da javnost nije upoznata o namjenskom ili nenamjenskom trošenju tih sredstava i građani s pravom razmišljaju da li je ova odluka u biti farsa za neke druge radnje što bi takođe trebalo provjeriti, da li postoje ta sredstva. Ako postoje, po mom osobnom stavu, ona su sasvim dostatna za rješavanje migrantske krize na način kako je to već gradonačelnik rekao na onim područjima koja nisu naseljena ili su manje naseljena, a postoje adekvatni objekti za te ljude.

Ono što je meni interesantno, kao pravnici, da sva imovina koja je imovina odbrane ove zemlje je u nadležnosti države i nejasno mi je, ako je, ako je hipotetički govorim država Bosna i Hercegovina prenijela tu imovinu na Federaciju Bosne i Hercegovine i sad Federacija Bosne i Hercegovine vraća na državu koja je namjena tog objekta bila ustupanjem od strane države Federaciji Bosne i Hercegovine i na osnovu čega Vlada Federacije, odnosno Federacija Bosne i Hercegovine nije namjenski iskoristila taj prostor nije ga čak ni potrudila se ni da izvrši deminiranje i koristi na taj adekvatan način.

Znači ovo govorim iz razloga što mi je eto nešto poznato način korištenja državne imovine i njihovo raspolaganje tako da mi je nejasno da država vraća Federaciji i obratno.

Dalje, ono što je gorući problem, a što je važno za sve uređene demokratske države pa tako i Bosnu i Hercegovinu da mi uopće ne znamo identitet osoba koje se nalaze na području Bosne i Hercegovine i samim tim grada Tuzle te mi je nejasno postupanje nadležnih državnih institucija kako nisu prikupili podatke o identitetu tih osoba, kontaktirali ambasade pa bi imali možda valjaniju sliku da li je riječ o osobama koje zaista bježe od progona u svojoj zemlji ili je riječ o osobama koje su eventualno u sukobu da zakonom i poduzeli adekvatne mjere ili na njihovoj deportaciji ili na rješavanju tog problema na adekvatan zakonit način.

To su sve oni podaci i one činjenice koje muče građane grada Tuzle ali i Bosne i Hercegovine i vjerujte da sam razgovarala i sa osobama koje žive na području Unsko-sanskog kantona i da je depresija i strah ono što je način njihovog trenutnog promišljanja i mi u Tuzli ne želimo da imamo tu depresiju i strah kako je već urađeno na nekim drugim područjima, ali želimo takođe pokazati tu humanost i na način kako su pokazale i mjesne zajednice svojim zajedničkim zaključcima posebno uvažavajući činjenicu da je riječ o zaključcima gdje je riječ o naseljenim mjesnim zajednicama sa različitim stanovništvom.

Ono što me takođe boli je izčitavajući na portalima poruke pojedinih naših komentatora je da šire govor mržnje i diskriminaciju protiv ovih lokalnih sredina na način da dolijevaju ulje na vatru i ja ću citirati neke od tih poruka tipa, zar nisu već u Hrvatskoj, baba bježi prodaj tu kuću, zar ima Hrvata tamo, podsjećam da takve izjave ne doprinose suživotu, unose dodatan strah i depresiju i želim da vjerujem, da obzirom na činjenicu kakav je tijekom današnje sjednice, da će sa ovog Vijeća otići podrška svim žiteljima tih mjesnih zajednica uvažavajući činjenicu da tamo žive i Srbi i Hrvati i Bošnjaci i ostali svi građani koji imaju mjesto prebivališta na tom prostoru da nemaju razloga za sigurnost i da u tom pravcu ovo Vijeće šalje jednu od poruka koja će unijeti barem malo mir među te ljude.

Ja sam takođe analizirajući svu ovu dosadašnju situaciju na tragu toga da zaključci mjesnih zajednica budu prije svih zaključaka naznačenih u zaključcima gradskih, Gradskog vijeća u cjelosti i da to bude naša potpora donošenju neke druge odluke Vlade Federacije. Stavljajući van snage Odluku koju su već donijeli i da se na adekvatan način odgovori na ovu migrantsku krizu koja zaista je ogroman problem trenutno za grad Tuzlu a vjerujem i za Bosnu i Hercegovinu u cjelosti. Hvala.

## **MIREL MIŠKOVIĆ**

Zahvaljujem. Dalje se za riječ javio Mirnes Ajanović, BOSS. Izvolite.

## **MIRNES AJANOVIĆ**

Hvala. Pozdrav svima. Ovo je najteža tema o kojoj se može raspravljati zato što se radi o jednoj od najnehumanijih tema.

Migrante neće niko i ne postoji lokalna zajednica u Federaciji, a Republika Srpska i neda koja će prihvatiti da migranti budu smješteni na njihovom području pogotovo relativno u centrima gdje se nalazi veći broj ljudi pa i da je manji broj ljudi ista bi reakcija bila i umjesto da država rješava taj problem, taj problem se protuzakonito prebacio na Grad Tuzlu.

Ovaj narod nije nehuman. Govorim narod zato što smo evo sad ipak narodi, a isti smo mi. I onda se ide na to da teško je nama suprostaviti se na način da kažemo nas ti ljudi ne interesuju, nećemo ih maknute ih, njihova patnja nas ne dodiruje i slično i zato ovi razmišljaju tako, ali moramo gledati to kolegica je govorila o tim dijelovima i pravno.

Gradonačelnik se pozvao na određene akte Evropske povelje o lokalnoj samoupravi, ja bih išao malo bliže ja bih se pozvao na Zakon o principima lokalne samouprave u članu 56. stoji da federalne, odnosno kantonalne vlasti dužne su u najvećoj i mogućoj mjeri konsultovati jedinice lokalne samouprave u postupku donošenja propisa koji ih se direktno tiču.

Da ne bi bilo zabune šta su propisi. Postoji od strane Parlamenta Federacije pravila i postupci za izradu zakona i drugih propisa Federacije Bosne i Hercegovine i u članu 2. gdje se utvrđuju ta pravila u članu 1., obim primjene u odnosu na objekt odnosno pravila će se primjenjivati prilikom pripreme izrade sljedećih akata i zakona, sporazuma, statuta, poslovnika, uredbi, odluka, pravilnika, upustava, naredbi, instrukcija, zaključaka i inicijativa.

Dakle ovo što je Vlada uradila je propis, protivzakonit jer nije izvršila konsultaciju sa jedinicom lokalne samouprave Gradom Tuzla i jedinicom lokalne samouprave Gradom Živinice.

Zato i imamo ovaj problem koji je evidentan, a 29-og malo i te statistike malo nam to fali 29-og ili 21. 9. 2011. godine na zvaničnoj stranici Ministarstva odbrane Bosne i Hercegovine evidentirano je da je ova Kasarna predata, odnosno ključevi su predati u nadležnost Grada Živinice, tada Opštini Živinici, kao neperspektivni vojni objekat.

Navodi se da ima površinu od 180 hektara. Ko je bio na primopredaji? Ko je preuzeo ključeve? Dakle, evidentno je odluka je protivzakonita.

Ova Odluka je napadnuta od strane Grada Živinice u petak, ja sam i danas dostavio njihove zaključke pribavio sam od Gradonačelnika i predsjedavajućeg Gradskog vijeća njihovih sedam zaključaka, dao sam da se umnoži i predlažem da i oni budu sastavni dio današnjih zaključaka.

Oni su na prvo mjesto stavili navode da se radi o, ne navode, nego činjenice o miniranom području većeg dijela, tačnije 115.985 m<sup>2</sup>, dakle više od polovine je minirano. Odluka Vlade da migrante smjesti u minirano područje je nehumana.

Pored nehumanosti ovdje se radi o pokušaju izazivanja Opšte opasnosti, o krivičnom djelu u pokušaju.

Dakle premijer Novalić i onaj Zvidzdić su evidentno u krivičnom djelu, u pokušaju. Krivično djelo je krivično djelo pa makar i pokušaj ne bio ni u pokušaju i to je krivično djelo, bitno je samo namjera da je neko imao izvršiti krivično djelo.

Ovdje stavljanje ljudi u minirano područje, a u okolini se nalaze naseljena mjesta, ne samo da je ugrožavanje migranata života i sigurnosti migranata nego i svih građana i stanovnika koji se nalaze u okolini.

I ovo su jedni od razloga i ovo treba staviti u zaključke, dakle da ovo nije u zaključcima sadržano, predlažem da sastavni dio zaključaka gdje god hoćete stavite na početku ili na kraju sasvim nebitno, bude i ova okolnost da Gradsko vijeće Tuzla kojem je nametnuto da raspravlja o humanosti ili nehumanosti Grada Tuzle o tome šta će raditi sa ovih ljudi da li ih neće ili ovo odbija, upozorava i na okolnost da se na ovom području radi o miniranom području za koje nije moguće izvršiti deminiranje ni u kakvom kratkom roku. Pa ni u dužem periodu pogotovo ovoj površini od 115.985 m<sup>2</sup> koja se vodi kao minirana zona gdje je zabranjeno kretanje, boravak i gdje na samom početku ulazu te kasarne stoje mrtvačke glave, opozorenje mine.

Dakle nisu vodili računa o tome, evidentno je ovog dijela što ima što je kolegunica rekla da se pokušava zataškati, ili opravdati ili na nekakav način novac koji su dobili pokrili time što će se prebaciti i pokušati prebaciti ovaj problem na Tuzlu.

Ovdje ima nekoliko aspekata koje danas trebamo analizirati. Meni je zaista kao građaninu teško raspravljati o tome da svi te ljude tjeraju od sebe.

Kada se raspravljalo o ovoj temi imao sam žestoke rasprave na Kolegiju uopšte o dolasku migranata i njihovom statusu, situaciji gdje su bili bolesni, gladni, gdje se o njima brinulo samo nekoliko volontera.

Mi smo kao Grad Tuzle donijeli i zaključke gdje smo se između ostalog zahvalili volonterima koji su pružili pomoć migrantima, te time u mnogome doprinjeli spriječavanju eskaliranja problema i povećanju sigurnosti građana Grada Tuzle. To su bili zaključci od 27. 6. 2019. godine.

Dakle Grad Tuzla je reagovao adekvatno nakon toga imamo obezbjeđenu relativno, koliko možemo, zdravstvenu brigu o tim ljudima. Ekipe Dome zdravlja su tu stalno prisutne, hrane se zajedno sa našim građanima koji se nalaze u stanju socijalne potrebe, ali ide zima.

Ovo što smo čuli na početku koristi se ta okolnost da se ovaj slučaj kao navodno naprasno rješava.

Zima je tu evo za koji dan, ti ljudi su svakako na području Grada Tuzla. Kada smrzne, a danas spavaju na kiši, kada glad uzme svoje, šta će onda biti?

Njih je svaki dan stotinu u Tuzli dodatnih. Dakle svrha današnje sjednice mora biti brutalno žestok pritisak na ministarstva nadležno Ministarstvo sigurnosti i svih ostalih koji su nadležni pa i ove Vlade Federacije da odmah nađu adekvatnu lokaciju za smještaj migranata

sa svim uslovima koji pripadaju tim ljudima shodno Europskim konvencijama, odnosno evropskim dokumentima o zaštiti ljudskih prava.

Dakle ova lokacija ne može. Ne može zbog toga jer je minirana. S druge strane ne može iz razloga što su građani pet mjesnih zajednica žestoko se suprostavili i najavljuju proteste. Hoće li sad Vlada sad tući sa tim ljudima? Slati na njih policijske pse kao što šalju na demobilisane borce kada traže svoja prava?

Da li je spreman Novalić i Zvizdić na takvu akciju i takvu intervenciju kada su ljudi rekli da neće? Da li iko danas u Vijeću može reći da će prihvatiti tako nešto i staviti im takvu obavezu? Svako će od njih reći vodi ih kući.

Takve odluke se ne mogu donositi to je bezobzirno kršenje prava svih, bukvalno brutalno zafrkavanje sa građanima Federacije Bosne i Hercegovine.

Ono što danas možemo još uraditi, ove informacije o miniranim područjima su zasnovane na dokumentima BH MAC-a, dakle to je Državna agencija, državno kordinaciono tijelo za upozoravanje na mine i samim time to je nesporna činjenica, a naravno i samim time ugrožavanje Opće opasnosti.

Ja bih ovdje podnio izvještaj o sumnji izvršenja krivičnog djela državnom Tužilaštvu pa ako treba i kantonalnom protiv Zvizdića i Novalića i članova Vlade.

Dakle namjera izvršenja krivičnog djela u pokušaju izazivanje Opće opasnosti. Predlažem to kao zaključak, pa nek se oni pravdaju nekome. Oni daju svoje izjave nadležnim tužiocima zašto su pokušali izvršiti ovo krivično djelo. Staviti ljude u nesigurno područje zabrana kretanja zbog miniranog područja.

Predlažem i ovo kao jedan zaključak. Tražiti dakle procesuiranje Novalića i Zvizdića zbog ovoga i svih ostalih koji su saučestvovali u donošenju ovakve odluke.

Govorili smo i govorimo da migrante evo ovdje u zaključcima govori se o spriječavanju trgovine ljudima bukvalno sa ovim prevoženjem. Ovdje prvo moramo zaštititi taksiste.

Koliko god oni imali mogućnost zloupotrebe taksista ima obavezu prevesti osobu sa jedne tačke na drugu gdje to traži i nikako se to ne smije bilo je malo govora o tome raspravljalo se i ukazivalo. Nikako se ne smije to prenijeti na način da taksista zbog svog posla bude krivično procesuiran.

Nema on pravo nekome reći nećeš ući u auto ja te neću prevesti. To je osnov za gubitak licence.

Drugo, procesuiranje migranata zbog svih krivičnih djela ili lica koja vrše evidentno trgovinu ljudima, a ima takvih koji nisu taksisti gotovo da je nemoguće iz razloga što se mora taj migrant zadržati u toku cijelog suđenja i da svjedoči u toku suđenja ti ljudi su tu određen period i većina njih odlazi.

Iz tih razloga je vrlo teško procesuirati bilo koga za ovu evo trgovinu ljudi koja je evidentna. To su okolnosti koje tužilaštva sprječavaju, SIPA radi evidentiraju, uhapse, zaustavljaju, nekima oduzmu vozila ili slično sasvim nebitno, ali procesuiranje izostaje jer nema pravne mogućnosti. Nema lica koja će svjedočiti o tome ukoliko osoba koja je evidentirana, uhapšena, zadržana privremeno ne prizna, a rijetko ko prizna.

Treba jedan od zaključaka biti da tražimo da odmah registracioni centri migranata budu na granicama. Nije logično da Registracioni centar za migrante bude u Tuzli.

Dakle, taj migrant koji dolazi oko Zvornika, granice i svih drugih granica koja evidentno nije u Tuzli, prolazi cijelom teritorijom Bosne i Hercegovine ili Federacije Bosne i Hercegovine bez bilo kakvog dokumenta.

Drugi problem. I kada dobiju te dokumente ja ono što sam se uvjerio lično, odobrenje za privremeni boravak licima koja dolaze u Bosnu i Hercegovinu ne sadrži fotografiju, sliku tog lica.

Dakle svako može uzeti taj dokument jedan od drugog i prikazivati ga kao svoj. Ni to nije dovoljna garancija. Dakle, Centar za registraciju mora imati mogućnost fotografisanja i evidentiranja slike na dokumentu koja će biti prateća za to lice koje prolazi kroz Bosnu i Hercegovinu. Ovjerene pečatom naravno Ministarstva.

Toga nema. I ovo dakle mora biti jedan od zaključaka da ovo Vijeće traži naravno zaštite interesa svih građana Bosne i Hercegovine promjenu prakse i evidentiranja migranata. To će sigurno pozitivno djelovati i na njih u situaciji kada se njihova fotografija nalazi na tom aktu ili dokumentu za koji oni imaju mogućnost na osnovu koje bi da se kreću kroz Bosnu i Hercegovinu. To nije teško napraviti. Običan mobilni telefon i bilo kakav fotoaparati na običnom štampaču, ili kompjuteru, ili laptopu može dati fotografiju na dokumentima koja će biti ovjerena pečatom.

Potrebno je povećati i primiti određen broj policajaca i to je ono što treba uputiti zahtjev Vladi Tuzlanskog kantona između ostalog zbog okolnosti da je Tuzla bila jedan od najsigurnijih gradova u Bosni i Hercegovini.

Bilo je određenih problema. Pucnjave i raznih kriminalističkih aktivnosti, ali grad Tuzla je poslije svake takve aktivnosti organizovala vanredne sjednice, pozivala tužilaštva, predstavnike suda, policije i to je sve rezultiralo time da je u gradu mirno.

Ta sigurnost grada se mora očuvati u situaciji povećanog ulaska broja ljudi koji pogotovo ili nemaju identitet ili upitnost njihovog identiteta i naravno samim time njihovo procesuiranje u slučaju izvršenja krivičnih djela kako ne bi posješli još veći odlazak građana iz Bosne i Hercegovine ovakvim nezakonitim odlukama Vlade Bosne i Hercegovine.

Evo to je jedan od zaključaka gdje se mi suprostavljamo dakle u ime svih, ne građana Tuzle, nego svih građana koji bi se našli u ovakvoj situaciji i tražimo da se odmah odredi lokacija koja neće biti blizu centara ili naselja, a ima takvih lokacija u federaciji i u Bosni i Hercegovini i na taj način možemo riješiti ovaj problem na zadovoljstvo tih ljudi, migranata koji iz bilo kakvih razloga idu, nebitno neki su protjerani ratom, kao što su i naše izbjeglice što su bile u nekim drugim okolnostima, željom za boljim životom, ali sve to ne smije rezultirati ugrožavanjem sigurnosti Bosne i Hercegovine.

I evo na kraju ovo što je, zašto je danas rasprava o migrantima ovakva jeste zbog svega što nisu poduzeli od strane vlasti odgovorni organi dakle, u ovom slučaju Bihaća i migranata u Bihaću.

Grad u kakvoj se situaciji našao je u stvari rezultat reakcije ovih mjesnih zajednica, straha tih ljudi da ne, od migranata, u smislu da će ti ljudi nešto uraditi negativno, već od nepostupanja adekvatnog od strane odgovornih nadležnih organa koji će te ljude ostaviti na tom području i kada bi se desilo to da uspiju realizovati ovakav projekat, bez adekvatne brige zbrinjavanja zdravstvenog i svakog drugog u smislu humanitarnog održavanja njihovog boravka na tom terenu. Zato što su pokazali kako to nisu uradili što je trebalo da urade u Bihaću.

Dakle, teško je biti uz odluku da ni mi nećemo te ljude i to je jedna od najtežih odluka koju i ja trebam donijeti ili bilo ko od vas vjerujem. Hoćemo da im pomognemo i bili su sa nama i pomagali smo im, pomažemo i danas, pomagat ćemo i ubuduće svima onima koji dolaze i prolaze kroz Tuzlu, ali smještaj centra u Tuzlu, pod ovakvim okolnostima kada ni Evropska unija ne čini što je potrebno da natjera vlasti u Bosni i Hercegovini da izvrše svoje obaveze prema tim ljudima jer mogli bi rezultirati onome o čemu evo upozoravaju svi.

Dakle, prinuđeni smo dijelom biti i mi dio toga da tražimo neku drugu lokaciju za te ljude. Možda nam je olakšavajuća okolnost ta što je to ipak minirano područje, ali bez obzira, obaveza nam je. Evo ako treba mi, jedan od zaključaka zajedno sa građanima Živinica, odnosno predstavnicima i vijećnicima, hajde da mi napravimo protesni nekakav akt prijedlog protestnog akta i okupljanja pred Ministarstvom u smislu da se odmah nađe adekvatna

lokacija za migrante sa svim obezbjeđenjem koje je po evropskim principima, propisima pa i humanim načelima treba biti obezbjeđena tim ljudima.

Da ne bude samo deklarativno. Da ne budemo samo na papiru, mi se brinemo za njih. Hajde dan pokupimo se autobusom ako treba individualno, svakako autima hajmo zakazati protest. Direktno pred Ministarstvom, pa i tamo nacrtati onog Novalića onako kako priliči kada su bili protesti po Sarajevu pa kada su pravili karikature od ovih političara koji su loši.

Ja sam za. Da i tim direktnim svojim aktom, evo otvorenog protesta protiv protivzakoniti odluka i neizvršavanja svojih obaveza suprostavimo se nemilosti. Toliko.

## **MIREL MIŠKOVIĆ**

Zahvaljujem. Imamo samo gradonačelnika kratko jednu dopunu zaključka da nam.

## **JASMIN IMAMOVIĆ – Gradonačelnik Grada Tuzle**

Nije nego jedno povlačenje. Nije replika, ali da se ne zaboravi, mislim zaista imamo jedno jednodušje ovdje i građana i vijećnika i sve. Ali bi volio ovo da podvućem ovo Ajanovićevu ideju da Centar za registraciju bude na entitetskoj granici, na mjestu gdje ulaze migranti.

Jer oni, radi registracije prođu kroz cijeli grad ovdje do suda itd. Mislim da nije loše to razmisliti da i to bude jedan od zaključaka. Da Centar za registraciju bude na entitetskoj granici na mjestu gdje najviše njih ulazi iz RS-a prema Federaciji i Tuzli. Na državnoj granici, jer zakonska je obaveza da se registruje tamo gdje je prešao granicu, a to je Bijeljina i Zvornik i mislim da je to, htio sam samo to da podvućem. Na državnoj granici, da, a ne na entitetskoj.

## **MIREL MIŠKOVIĆ**

Dobro. Zahvaljujem. Dalje za riječ javio se predsjednik Kluba SBB Elvir Kasumović. Izvolite.

## **ELVIR KASUMOVIĆ – vijećnik Saveza za bolju budućnost**

Zahvaljujem predsjedavajući. Takođe želim iskoristiti priliku da pozdravim sve naše građane koji će ovu sjednicu pratiti putem malih ekrana kao i sve prisutne ovdje u sali.

Klub vijećnika Saveza za bolju budućnost prvenstveno podržava volju građana koja je ovdje izražena za govornicom, a samim tim i zaključke koji su iz te volje proizašli, odnosno koje su nama kao vijećnicima ponuđeni. Mislim da nije vrijeme dugih govora.

S tim u vezi u prethodnom periodu sve je rečeno ali je najvažnije ono kako se osjećaju naši građani, šta oni misle i šta oni žele prije svega.

Nemojte zaboraviti da smo svi mi izabrani ovdje voljom tih ljudi i s tim u vezi oni su svoj čvrsti stav zauzeli pred ovom govornicom i evo mi se pridržu, pri, pridružujemo pardon, pridružujemo izraženoj volji tih njihovih predstavnika. Sumnjam da i jedan građanin ovih mjesnih zajednica drugačije misli.

Prema tome, evo mi kao Klub ćemo dati punu podršku prije svega tim građanima, odnosno svim građanima Grada Tuzle, jer isto kao što ne bi trebalo da se na toj lokaciji postavi, ne bi trebalo ni na drugom području Grada Tuzle da se postavi, jer je činjenica kao što je već ranije rečeno da je ovo grad zajedno sa Živinicama koji ima najgušće naseljeno teritorijalno područje. S tim u vezi smo za humanost.



Slažemo se sa tim da treba pomoć tim ljudima, ali takođe i sa tim da to treba da bude neki dio ove države gdje je da kažem najmanje naseljen, teritorijalno naseljen sa stanovništvom, a da se pruže svi humani uslovi kako bi ti ljudi jel imali sve potrebno ono što je trebalo za dalji život, ali mislim da Bosna i Hercegovina nije njihova zadnja stanica, da oni žele dalje. Kako će se to rješavat to će neke više, to će viši nivoi da, da, da rješavaju po tom pitanju.

Međutim nije ni do nije dobro što su u ovom slučaju viši nivoi odlučili da se ovaj centar gradi, odnosno da se migranski centar postavljam na ovom području gdje je već rečeno.

Isto tako bez obzira bilo koji nivo da donosi bilo kakve odluke mimo i volje mimo volje građana, jel to će se kad tad obiti o glavu samim njima.

S tim u vezi evo izražavam svoje, odnosno stav Kluba Saveza za bolju budućnost i podržavamo prije svega izraženu volju građana, a samim tim i zaključke koji su iz toga proizašli. Hvala.

## **MIREL MIŠKOVIĆ**

Zahvaljujem. Dalje riječ ima Elvir Bijedić, Klub vijećnika SDP-a. Izvolite.

## **ELVIR BIJEDIĆ – vijećnik Socijaldemokratske partije**

Zahvaljujem predsjedavajući.

Pozdravljam gledaoce ispred malih ekrana, naše građanin i sve prisutne u sali.

Dakle Klub vijećnika SDP-a ne samo prije ove sjednice i u toku sjednice, nego permanentno dakle raspravlja o situaciji koju je izazvala ova migrantska kriza konkretno u našem gradu i u prilog tome je činjenica dakle da smo aktivno učestvovali u kreiranju zaključaka sa junske sjednice.

Međutim problem leži u tome, dakle što onaj ko je trebo da se očituje po tim zaključcima apsolutno je osto i gluh i nijem, tako da upravo svojim nečinjenjem smo došli u situaciju da danas raspravljamo ponovo na tu temu.

Pazite. Šta su sad napravili? Dakle usuđujem se reći i neću se ponavljati, kolege su to već rekli da su svjesno dakle zaobišli ono što im je bila zakonska obaveza, a to je da se dakle kontaktira i da se obave razgovori sa predstavnicima lokalne zajednice i to je dakle jedan vrlo jedan neprimjeren način koji evo toliko kako bih rekao nisko ide na način dakle da nakon saznanja da će se Odluka odnositi na smještaj u kasarni u Ljubačama, dobio sam informaciju dakle da je već 15. 11. Međunarodna organizacija za migrante raspisala oglas za prijem u radni odnos asistenta za migrante.

Pazite i kaže rok je 29. 11., a da je što je moguće prije početak rada dakle na poslovima asistenta za za migrante. Dakle mi govorimo za poziciju za za Živinice.

Dakle to govori o situaciji da je apsolutno sve bilo pripremljeno i da je sve rađeno iza leđa građana ovog grada, iza leđa lokalne zajednice, nas Gradskih vijećnika, Gradonačelnika, Gradske uprave pogotovo i naročito iza leđa ljudi koji gravitiraju, odnosno mjesnim zajednicama koje gravitiraju pomenutoj kasarni.

Dakle ono što bih ja uz ove zaključke ispred Kluba vijećnika SDP-a dodao na prethodne je, dakle da tražim od svih nivoa vlasti dakle da i ponavljamo to.

Moram dakle ponoviti u ime Kluba vijećnika da se hitno nađe adekvatan smještaj, ali hitno, znači ponavljamo i podcrtavamo za migrante, a shodno i zaključcima sa prethodnog, s prethodne sjednice Gradskog vijeća, dakle sa junske sjednice Gradskog vijeća, a da pri tome kad kažem adekvatan mislim prije svega na način dakle da se zadovolji norma u smislu da je to na nenaseljenim mjestima.

Po mogućnosti na nenaseljenim mjestima i siguran sigurni smo Klub vijećnika SDP-a da takvih i te kako prostora širom Bosne i Hercegovine ima.

Dakle tražimo da se ničim ne ugroze lokalno stanovništvo, a ovdje smo imali situaciju, imali smo predstavnike mjesnih zajednica u kojima kažu da će svojim tijelima kaže braniti ovaj prilaz kasarni.

Dakle u jednom zaključku tražimo od svih nivoa vlasti, od državnog preko federalnog do kantonalnog nivoa da iskorite sve mehanizme kako bi građani ovog kantona i konkretno ovog grada imali životnu sigurnost, sigurnost svoje imovine i sigurnost kretanja, jer građani ovog grada ničim nisu izazvali migrantsku krizu i kao takvi ne smiju da budu nikako dio same nje u smislu dakle bilo ko da ne daj Bože izgubi život, da bude povrijeđen ili da mu se ošteti imovina ili da nema sigurnost u kretanju u svom gradu.

Dakle takođe šta bih još jedan od zaključaka.

Da sugerišemo Vladi Tuzlanskog kantona, odnosno sugerišemo Skupštini Tuzlanskog kantona da sazove hitnu sjednicu, dakle i da se očituju i sugerišemo negativno mišljenje kad je u pitanju ova Odluka koja je proizvela ovu današnju diskusiju. Zahvaljujem.

## **MIREL MIŠKOVIĆ**

Zahvaljujem. Dalje za riječ se javlja Mirza Tupajić, Klub vijećnika SDA. Izvolite.

## **MIRZA TUPAJIĆ – vijećnik Stranke demokratske akcije**

Prije svega želim vas sve srdačno poselamit, pozdraviti.

Znači migrantska kriza, globalni problem. Evropska unija sa tolikim budžetima, sa tako jakom administracijom, sa velikim iskustvima prethodnih godina jako teško se nosi sa sa ovim problemom.

I sad pogledajte Bosna i Hercegovina. Zemlja koja je komplikovana sa toliko nivoa vlasti i komplikovanim sistemom. Gdje imamo jedan dio koji je očito bi volio da nema puno Bosne i Hercegovine koji konstantno godinama urušava sistem. Naravno plaćeni su od države Bosne i Hercegovine i tako dalje i tako dalje.

Kad pogledamo da u republici Srpskoj nemamo migranata ni u jednom od njihovih gradova. Nažalost evo kad pogledamo situaciju ni u Hercegovini isto tako nema migranata.

Možda prođu. Evo čuli smo da dole u, Predsjedniku Skupštine Tuzlanskog kantona je zapaljena porodična kuća od strane znači migranata, ali oni se tu ne zadržavaju i tako dalje i tako dalje.

Država, znači kanton, grad moraju učinit napor i sklonit migrante sa ulica u prostore sigurne za njih, a naravno i za lokalno stanovništvo.

Jako, znači ono što trebamo podcrtati jeste da i slažem se sa prethodnicima i sa njihovim diskusijama u onom domenu kada su govorili znači da to treba da bude negdje daleko od lokalnog stanovništva, da, da, da bude pristojno, uslovno, ograđeno, sa sa svim mjerama znači sigurnosti i naravno trebamo biti civilizovani, humani.

Evo Božije je davanje da da u mjesecu novembru danas imamo gotov dvadeset, 15 do 20 stepeni celzijusa. Međutim zamislite da da je danas minus 15 košto zna da bude.

Migranti su trenutno u Gradu Tuzla. Dole ih je najviše oko Autobuske stanice. Neki dan sam prošo i pogledo stvarno nehumano.

Mi nismo evo kao Klub Stranke demokratske akcije za politizaciju znači navedenog problema. Cijenimo da ovaj problem treba sagledati znači sa humanog i socijalno sigurnosnog aspekta. Nadamo se da će oni koji odlučju pronaći adekvatnu znači lokaciju i polako riješiti ovaj ovaj problem, kompleksni problem.

Mi naravno ćemo glasati za većinu ovih zaključaka. Vidjet ćemo koji će biti. Nismo za to da to bude kao klub, evo jedinstveni smo, da to bude smješteni u kasarni Ljubače.

Čuli smo kako članovi savjeta, to jeste predsjednici Savjeta mjesnih zajednica. Čuli smo šta su oni iznjeli koje svoje argumente.

Da su građani prepadnuti, da su nezadovoljni, da da strahuju za za svoju sigurnost. Ionako imamo problem.

Znači glavni problem u Bosni i Hercegovini jeste migracija našeg stanovništva u zemlje Evropske unije.

Da na to ne bi podstaklo i dalje da da ljudi s tih područja jednostavno pakupe se i da idu dalje.

Ali isto tako tražimo da da se na neki način riješi ovaj problem. Da se migranti izmjestite iz Grada Tuzle, da ne budu na ulicama, da da ne spavaju po kiši u onakvim nekim uslovima i da se nađe. Ako je to teret znači da i ovaj Tuzlanski kanton znači podnese jedan dio tereta.

Da to ne bude sve u Unsko-sanskom kantonu, ali bogami nek podnese teret i Hercegovina i Republika Srpska i njihovi centri pa da se nađu ti ti lokaliteti koji ispunjavaju uslove a koji će biti daleko, daleko od lokalnog stanovništva da niko ne bude ugrožen, a naravno da pokažemo i mi dozu humanosti.

Znači ipak su to. To se radi o ljudima i tako dalje. E hvala. Pa ako bude potrebe opet ćemo se. Opet ću se javiti kao vijećnik.

## **MIREL MIŠKOVIĆ**

Dobro. zahvaljujem. Dalje riječ ima Nedžad Malikić, Tuzlanska alternativa. Izvolite.

## **NEDŽAD MALIKIĆ – vijećnik Tuzlanske alternative**

Hvala ljepo. Evo želim iskoristit priliku da pozdravim sve prisutne. Evo da uzmemo učešće u voj diskusiji.

Mi smo još u šestom mjesecu raspravljali. Imali smo ja mislim nekih 17 zaključaka, pa bi evo zamolio sekretara da kad su ti zaključci u pitanju da vidimo da li su neki od tih zaključaka uzeti u razmatranje? Da li su ti zaključci na neki način i sprovedeni? Tako da čisto imamo tu jednu informaciju.

Pa bilo bi dobro čak i da se oni i pročitaju iz razloga zato što smo tada znali i osjetili da bi se do ovoga, do ovog moglo doći.

Nažalost naš najveći problem su slabe državne institucije koje se trebaju da bave ovim pitanjima a ne jedna, jedno Gradsko vijeće da raspravlja o pitanjima koje ne može riješiti ni ni veće države na području Balkana pa i šire.

Odavde mi na neki način, imam osjećaj svi ovdje vijećnici, pa evo i ovi predsjednici Savjeta mjesnih zajednica, čitavo vrijeme imam osjećaj kao da se mi nekome pravdamo što ne želimo migrante na svom području.

Znači želim na neki način da da ovdje podcrtam da se ni jednog trenutka ne smije naša humanost dovesti u pitanje da mi te migrante na neki način želimo. Naravno da hi niko ne želi blizu svojih kuća.

To su ljudi od 20, od 30 godina koji su u naponu snage, koji najviše mogu da rade i naravno mi evo sad mi trebamo iz nekog svog skromnog budžeta koji je jako mal, pa i državni, pa i federalni trebamo izdvajati za, da se ti ljudi na neki način smjeste i hrane.

Evo dobro je reko jedan povjerenik. Pa ni ja to nemam kod svoje kuće. Tri obroka da mi neko da džaba da ih na neki način hranim, ali evo neću sve o tome.

Želim samo da kažem da ćemo mi kao Tuzlanska alternativa podržati sve zaključke koji su došli iz, ovih pet, plus jedan Savjeta Mjesne zajednice Živinice.

Isto tako ovo nije problem pet mjesnih zajednica, ovo je problem 40 mjesnih zajednica na području Grada Tuzle, problem Grada Tuzle i kao takav moramo ga jedinstveno i prihvatiti i rješavati na na na ovakav način. Isto tako bio bi. Evo slažem se. Mislim da će to vijećnici prihvatiti.

Da bude jedan od zaključaka da smo mi kao Gradsko vijeće spremni i finansijski podržati izmještanje tih migranata, odnosno smještaj tih migranata na nekom adekvatnom području. Znači to je naš doprinos i naša humanost.

Ali isto tako moramo poslati poruku i šaljemo poruku sa ovog mjesta da u Tuzli ne treba dozvoliti na njenom području smještaj migranata. Iskoristit ćemo sva pravna sredstva. Ako ona ne budu dovoljna vidjet ćemo koja je druga mogućnost.

Znači to je suština da mi ne želimo i nećemo migrante na području Grada Tuzle iz razloga, to kolege nisu spomenuli da je Grad Tuzla površinski jako mala. Mala površinski sa velikim brojem stanovnika i faktički na cijelom području Grada Tuzle na svoj površini imamo naseljena mjesta za razliku od drugih opština koje su površinski jako velike i imaju mogućnosti da da van, hajde da kažem naseljenog mjesta smjeste svoje migrante.

Ono što sam već i rekao. Mi ćemo znači podržati i zaključke koji su danas na neki način došli od strane Gradonačelnika, Savjeta mjesnih zajednica i naravno i Opštinskog vijeća Grada Živinice i naravno bi želio samo da vidim da i one neke zaključke koje smo već usvojili da budu sastavni dio i ovih zaključaka. Hvala.

## **MIREL MIŠKOVIĆ**

Zahvaljujem. Dalje za riječ se javio Nedžad Jusić, nezavisni vijećnik. Izvolite.

## **NEDŽAD JUSIĆ – nezavisni vijećnik iz reda nacionalnih manjina**

Hvala. Prije svega želim sve da pozdravim.

I evo čuli smo diskusiju predstavnika Klubova političkih partija i osjetio sam potrebu da kažem par riječi vezano o ovom pitanju o čemu govorimo, odnosno migrantskoj krizi.

Konkretno uspostavljanju kampa, odnosno Centra za migrante u našoj mjesnoj zajednici u Gradu Tuzla. I evo vidli smo.

Ponovo kažem iz diskusija da gotovo svi govorimo jedno te isto što se može zaključiti o tome da ovo nije pitanje samo Bošnjaka, samo Hrvata, samo Srba, samo Roma i drugih naroda.

Ovo je pitanje i Bošnjaka i Hrvata i Srba i Roma i svih drugih jel smo čuli, gledali, čitali smo neke natpise na portalima razno raznim gdje želimo, kod koga žele migranti da se spoje, da se stave.

Znači ovo je pitanje građana Grada Tuzle i svi smo u tome jedinstveni i jednostavno i možemo.

I ja kao predstavnik nacionalnih manjina u Gradskom vijeću Tuzla ću podržati i zaključke koji su dati od Gradonačelnika Grada Tuzle gospodina Jasmina Imamovića kao i predstavnika Savjeta mjesnih zajednica od ovih pet, odnosno šes mjesnih zajednica.

S tim što možda i mi moramo ono kao Gradsko vijeće donijeti jedan zaključak da i dalje moramo pratiti aktivnosti na uspostavljanju centra u pomenutoj kasarni, te vidit rasplet na kraju krajeva u narednom periodu šta će se u stvari dešavati, te ukoliko dođe i dalje do implementacije Odluke koju je usvojena od Federalnog nivoa vlasti ponovo adekvatno djelovati koliko mi možemo u skladu sa našim ovlaštenjima.

A evo rekli smo na kraju krajeva. U stvari čuli smo od predstavnika Savjeta mjesnih zajednica kako oni to vide da će se riješiti taj problem ukoliko ne bude se moglo na ovaj način kako mi predlažemo. Hvala.

### **MIREL MIŠKOVIĆ**

Zahvaljujem. Pošto nemam više prijavljenih ispred klubova vijećnika. Zatvaram raspravu klubova vijećnika.

Otvaram raspravu vijećnika. Prvi za riječ se javio Emir Hodžić, vijećnik SDP-a. Izvolite.

### **EMIR HODŽIĆ – vijećnik Socijaldemokratske partije**

Zahvaljujem i koristim priliku da pozdravim sve prisutne.

Ma evo mi se očigledno vrlo lako dogovorili da da uputimo, da pričamo o ovome problemu jednoglasno, naravno što je za svaku pohvalu i vjerovatno ovi će zaključci i doprinjeti rješavanju problema.

Međutim ja se onako pitam šta ako ovo ne da nikakvog rezultata, šta ćemo mi onda?

Ne bih se ja iznenadio da te vladajuće strukture koje su na ovaj način donijele Odluku ovu kakvu jesu da i dalje insistiraju na tome.

S toga ne bih da dužim, ali otprilike ili samostalni prijedlog ili dio nekog postojećeg prijedloga.

Da mi to u formi nekog upozorenja, ne prijetnje, predložimo i nekakav korak ili ili naš postupak, ne znam ni ja šta, koji bi se mogao recimo što da ne.

Ukoliko građani mjesnih zajednica ovih pet budu prisiljene da izađu na nekakav vid protesta zašto im se ne bi recimo svi mi ostali pridružili i tako dalje.

Nešto tog tipa ali da imamo strategiju i u slučaju da se ovo sve ne prihvati.

Hvala najljepša.

### **MIREL MIŠKOVIĆ**

Zahvaljujem. Dalje za riječ se javio Ivica Kovačević, HDZ BiH. Izvolite.

### **IVICA KOVAČEVIĆ – vijećnik Hrvatske demokratske zajednice**

Zamjeniče predsjedavajućeg, sekretaru vijeća, kolegice i kolege vijećnici, predstavnici izvršne vlasti znači a uz Gradonačelnikom, gosti i predstavnici mjesnih zajednica, mediji sve vas srdačno pozdravljam.

Evo čuli smo mnogo toga. Kolegica Mijatović je već iznjela i stav Kluba vijećnika HDZ-a Bosne i Hercegovine.

Ono što ja evo želim, nekako samo reći nekako pred kraj je li? Da pozdravljam ovakav jedan jedinstven i jasan stav koji je danas prezentiran, koji je prezentiran i ovih dana.

Dakle kako Grada Tuzle, Grada Živinica, Gradonačelnika, Gradskog vijeća i jedne i druge sredine, mjesnih zajednica, pet tuzlanskih i jedne živiničke koje je li gravitiraju samome lokalitetu. Mislim da je to jako važno.

Evo kolega je prije mene spomenuo šta ako? Naravno uvijek ostaje šta ako? Međutim ja vjerujem da je i ovaj jasan, kao što sam rekao jasan jedinstven stav jedna vrlo dobra poruka.

S jedne strane imamo jednu jednostranu Odluku gdje nije nitko konsultiran bez konsultacije lokalnih zajednica što je zakonska obaveza.

S druge strane evo mi ovdje imamo ove dvije lokalne sredine, imaju i iznijele su kažem jasan jasan stav. Ljudi su s pravom zabrinuti.

Ja ću podsjetiti evo na. Nedavno je upriličen jedan susret koordinacije direktora Federalne uprave policije i kantonalnih policijskih komesara.

Na tom susretu direktor Uprave policije MUP-a TK-a je upozorio javnost da se dolaskom zime i hladnijih dana može očekivati veći broj provala migranata u napuštene kuće.

Kolegica Mijatović je iznijela već također podatak iz Unsko-sanskog kantona da je, dakle u tri kvartala dvijetisuće devetnaeste godine zabilježeno 600 sigurnosnih incidenata u kojima su sudjelovali migranti.

Sve su to razlozi, a to stalno je je li prezentirano u medijima. Sve su to razlozi koji su evo, i ljudi ne samo u ovih pet tuzlanskih mjesnih zajednica i jednoj živiničkoj već rekao bih s pravom i u većem dijelu Grada Tuzle kao što je to istaknuo i kolega Malikić maloprije zabrinuti.

Dakle problem s kojim se suočavamo je jako velik. Već smo više puta to i rekli na ovome vijeću.

Bojim se da država dakle vlast, predstavnici institucija vlasti u Bosni i Hercegovini nemaju nikakvih kapaciteta, barem je to tako do sad pokazano da se nose sa veličinom tog problema i to je isključivi razloga zašto su i građani Tuzle, posebice dakle ovih naših ovdje mjesnih zajednica tuzlanskih koje gravitiraju prostoru s pravom rekao bih zabrinuti.

Dakle još jednom kažem. Pozdravljam jedinstven stav, jasan stav. Zahvaljujem evo i Gradonačelniku i svim svim svima, svim vijećnicima ovdje na toj jednoj jasno pokazanom našem opredjeljenju da stanemo uistinu u zaštitu ovoga grada.

Evo hvala. Toliko.

## **MIREL MIŠKOVIĆ**

Zahvaljujem. Dalje za riječ se javila Rejhana Dervišević, SDP. Izvolite.

## **REJHANA DERVIŠEVIĆ – vijećnik Socijaldemokratske partije**

Zahvaljujem predsjedavajući i sve vas srdačno pozdravljam.

Dakle i ja ću ovdje iznijeti neki svoj stav. Naravno sa brojnim stavovima prethodnih vijećnika koji su iznijeli se slažem. Neke stvari takođe želim ponovo da istaknem.

Naravno da kao vijećnica Gradskog vijeća koja je izabrana voljom građana Tuzle, da ću svakako podržati njihov stav i njihovo protivljenje Odluci Vlade Federacije.

Ovo doista nije prvi puta da vlada nameće svoje odluke bez konsultacije lokalnih vlasti, a ovo je upravo takva Odluka koja se direktno tiče lokalnog stanovništva i lokalne samouprave.

Mi smo u svojim zaključcima sa sjednice koja je održana u junu, brojni su je i vijećnici i spominjali, dakle donijeli niz zaključaka upućenih nadležnim organima, a u vezi sa migrantskom krizom i ulaskom i boravkom migranata sa odgovarajućim prijedlogom mjera.

Ni tri mjeseca nakon toga mi nismo dobili nikakav odgovor. Da li je išta učinjeno, odnosno da li su se uopće razmatrali zaključci ili prijedlozi mjera koji smo dostavili nadležnim nivoima vlasti?

Da li je iko uhapšen i procesuiran zbog krijumčarenja ljudima? Da li je igdje presječen ili onemogućen priliv migranata na području Bosne i Hercegovine?

Ni jedan centar za prijem i tranzit migranata nije na ulaznim i izlaznim mjestima na granici. Zašto?

Da li je ovo u stvari neki prećutni dogovor Evropske komisije da migranti treba da ostanu na području Bosne i Hercegovine i da je učine konfliktom.

S druge strane mi smo potpuno svjesni da je onima koji su došli ovdje neophodno pružiti adekvatnu pomoć, prije svega u smislu osnovnih pregleda i utvrđivanja njihovog zdravstvenog stanja, eventualno postojanja zaraznih bolesti jer ako pođemo od toga treba zaštititi i njih i lokalno stanovništvo, odnosno sve nas.

Mi smo i te kako svjesni njihovog prisustva i tražimo da se zašтите kako njihovi tako i naši životi, kako njihova tako i naša sigurnost.

Iz onoga što vidimo u svakodnevnim izvještajima iz Unsko-sanskog kantona njihov smještaj ne treba biti u blizini gusto naseljenih područja.

Mene je u prilog tome danas dodatno uznemirila informacija da se predloženi teren u stvari nije deminiran u cjelosti i on kao takav predstavlja opasnost za sve one koji se tamo nađu.

Dakle očigledno je da je naše lokalno stanovništvo, uključujući i nas vrlo uznemireno i da su naše poruke i Vladi da što prije razmotri i utvrdi odnosno, hitno prijedlog adekvatnog boravka za zaštitu i smještaj migranata uvažavajući dakle ozbiljno protivljenje lokalne zajednice i svih nas na današnjoj sjednici.

Ja takođe podržavam i prijedlog, odnosno inicijative da Skupština Tuzlanskog kantona treba hitno da zakaže sjednicu i takođe podrži zahtjeve lokalne zajednice. Hvala vam.

### **MIREL MIŠKOVIĆ**

Zahvaljujem. Pošto ne vidim više. Aha. Mirnes Ajanović kao vijećnik. Izvolite.

### **MIRNES AJANOVIĆ**

Hvala.

Samo jedna tehnička primjedba. U zaključcima Gradonačelnika u zaključku pet gdje govori o zahtjevanju zatvaranja granica pa pod uvijetom da državna policija izbjegne ugrožavanje života migranata korištenjem vatrenog oružja.

Tehnički ovo ne stoji. Ispade dakle motkama i ostalim da se mogu tući. Ja bih skino ovo korištenje. Nije namjera bila od Gradonačelnika takva.

Ugrožavanje života i zdravlja migranata i tačka.

Dakle da ne ulazimo mi šta? (MIREL MIŠKOVIĆ – Evo.) Kako? (MIREL MIŠKOVIĆ – Evo samo da vam kažem.) Prijedlog.

### **MIREL MIŠKOVIĆ**

Sad kad zaključim raspravu vijećnika (MIRNES AJANOVIĆ – Da.) dajem pauzu od 5 minuta da usaglasimo zaključke. (Pauza.)

Pozivam vijećnike da uđu u salu.

Pauza je bila zakazana radi usaglašavanja zaključaka i sad pozivam sekretara Gradskog vijeća da nam pročita zaključke koji su proizašli iz rasprave.

Riječ ima Mirnes Ajanović.

### **MIRNES AJANOVIĆ**

Hvala predsjedavajući.

U vezi zaključaka koje sam predložio a koje su kasnije potencirali i ostali vijećnici u smislu šta ako oni ove naše zaključke, oni dakle na one na koje se odnosi Vlada Federacije i Vijeće ministara BiH a šta ako ih ne usvoje? I šta je alternativa?

Ja sam predložio bio zaključke da mi već sada idemo u smislu zahtjeva za procesuiranje odgovornih zbog pokušaja izvršenja krivičnog djela izazivanje opšte opasnosti smještajem ljudi u minirano područje i zahtjevom da mi kao Gradski vijećnici zajedno sa građanima mjesnih zajednica koje su posebno ugrožene ovakvim centrom i ostalim građanima organizujemo zajedničke proteste pred nadležnim ministarstvima.

Pa iz razloga zbog određenih sugestija evo ostavili smo da do naredne Sjednice Gradskog vijeća koja će biti 28. 11., ovog mjeseca tražimo odgovor u vezi svih ovih naših zaključaka i stavljanja van snage Odluke o smještaju migranata na područje kasarne Ljubače.

Ukoliko ne dođe odgovor. Ukoliko se Odluka ne povuče mi ćemo tada na toj sjednici i već sada u stvari donosimo odluke o tome da ćemo tražiti procesuiranje odgovornih i, i, i organizovati i proteste.

Ukoliko oni donesu tu Odluku o poštivanju volje građana obzirom da su prekršili član 56. Zakona o principima lokalne samouprave bez konsultacije sa Gradom Tuzla i Gradom Živinica donijeli ovakvu odluku što bi bio najmanji problem i najlakši način rješavanja ovog problema, onda to više nema ni svrhe, nema ni snage jer su uradili onda ono što smo mi tražili. Hvala. Toliko.

Iz tih razloga evo da znaju, da kolege budu upoznate. Ne traži se sada ništa ali im se ostavlja jedna vrsta upozorenja da ćemo to uraditi ukoliko nas budu ignorisali.

## **MIREL MIŠKOVIĆ**

Dobro. zahvaljujem.

Pozivam sekretara da nam pročita zaključke proizašle iz rasprave.

## **SLAĐANA KRAJINA**

- Konstatuje se da je Vlada Federacije Bosne i Hercegovine, Odlukom od 14. 11. 2019. godine, da se kasarna u Ljubačama dodijeli Vijeću ministara - Ministarstvu sigurnosti Bosne i Hercegovine, prekršila odredbe člana 4. stav 6. Evropske povelje o lokalnoj samoupravi, jer prije donošenja navedene Odluke, koja se direktno tiče građana u Gradu Tuzli i Gradu Živinicama, između kojih i na čijim teritorijama se kasarna nalazi, nije konsultovala lokalne vlasti nijedne lokalne zajednice, već je Vlada Federacije Bosne i Hercegovine takvu obavezu svjesno izbjegla. Podsjećamo, da je navedenom odredbom člana 4. Evropske povelje o lokalnoj samoupravi propisano sljedeće:

Lokalne vlasti će biti konsultovane, u najvećoj mogućoj mjeri, pravovremeno i na odgovarajući način, u procesu planiranja i donošenja odluka o svim stvarima koje ih se direktno tiču.

- Drugi. Smatramo da je donošenjem Odluke Vlade Federacije Bosne i Hercegovine došlo do uznemirenja lokalnog stanovništva, kako u Tuzli, tako i u Živinicama i tražimo od Vlade Federacije Bosne i Hercegovine da navedenu Odluku stavi van snage, a od Vijeća ministara Bosne i Hercegovine i Ministarstva sigurnosti Bosne i Hercegovine da se poduzmu adekvatne mjere i hitno obezbijedi lokacija, koja je pogodna da se migrantima obezbijedi adekvatan boravak i zaštita, shodno odredbama Međunarodnog pakta o ekonomskim, socijalnim i kulturnim pravima iz 1976. godine, a da se pri tome ne izaziva uznemirenost i ne ugrožavaju prava i slobode lokalnog stanovništva.



- Treći. Migrantima treba pomoći ali ne na štetu lokalnog stanovništva. Zato tražimo da se lokacije za smještaj migranata obezbijede na prostoru koji nije uopšte ili nije gusto naseljen, odnosno da se ne nalazi u blizini velikih centara. To je bila praksa u susjednoj Srbiji i danas je takva praksa svuda u Evropi i u svijetu.

- Četvrti. Ponovno tražimo da nadležni organi (Tužilaštvo Bosne i Hercegovine, Sud Bosne i Hercegovine, Državna agencija za istragu i zaštitu i druge nadležne agencije) učine sve da se prekine lanac krijumčarenja ljudima (migrantima) i u tom smislu zatraže pomoć susjednih zemalja i Evropske unije.

- Peti. Zahtijevamo zatvaranje granica Bosne i Hercegovine na način na koji su države članice Evropske unije, Bugarska, Rumunija, Mađarska, Hrvatska i Slovenija, zatvorile svoje granice, pod uvjetom da državna policija izbjegne ugrožavanje života migranata.

- Šest. Pozivamo nadležne da nam dostave odgovor o tome, da li su i šta učinili po pitanju realizacije zaključaka Gradskog vijeća Tuzla sa tridesetčetvrtre redovne sjednice od 27. juna 2019. godine, donesenih povodom Informacije u vezi sa migrantskom krizom i ulaskom i boravkom migranata na području grada Tuzle sa prijedlogom mjera te upućujemo urgenciju za realizaciju zaključaka Gradskog vijeća Tuzla, usvojenih na tridesetčetvrtjoj redovnoj sjednici, održanoj 27. 06. 2019. godine, prilikom razmatranja Informacije u vezi sa migrantskom krizom i ulaskom i boravkom migranata na području grada Tuzle sa prijedlogom mjera.

- Sedam. Apelujemo na međunarodnu zajednicu da problem migrantske krize rješava na mjestu nastanka odnosno da radi na rješavanju krize i poboljšanju životnog standarda i osnovnih uvjeta za život ljudi u zemljama iz kojih dolaze migranti.

- Osmi. Gradsko vijeće Tuzla traži od Skupštine Tuzlanskog kantona da što prije zakaže vanrednu sjednicu povodom Odluke Vlade Federacije Bosne i Hercegovine od 04. 11. 2019. godine, da se kasarna u Ljubačama dodijeli Vijeću ministara - Ministarstvu sigurnosti Bosne i Hercegovine za smještaj migranata te sugeriše Skupštini da se, u cilju zaštite sigurnosti građana Tuzlanskog kantona, usprotivi Odluci Vlade Federacije Bosne i Hercegovine.

- Deveti. Gradsko vijeće Tuzla podržava zaključke sa zajedničkog sastanka savjeta mjesnih zajednica Ljubače, Pasci, Husino, Kiseljak i Par Selo i Savjeta Mjesne zajednice Suha, održanog 16. novembra 2019. godine u povodu informacije o mogućnosti otvaranja kampa za migrante na području mjesne zajednice Ljubače koju je donijela Vlada Federacije Bosne i Hercegovine, bez prethodne konsultacije i saglasnosti sa lokalnim zajednicama, u koji bi se izmjestili migranti sa područja Unsko-sanskog kantona te ostalih dijelova Bosne i Hercegovine.

- Deseti. Gradsko vijeće Tuzla podržava zaključke Gradskog vijeća Živinice sa vanredne sjednice, održane 15. novembra 2019. godine kao i razloge zbog kojih je Gradsko vijeće Živinice, zbog kojih se Gradsko vijeće Živinice oštro protivi otvaranju kampa za migrante u Vojnom objektu Ljubače.

- Jedanaest. Gradsko vijeće Tuzla izražava nezadovoljstvo grubim kršenjem, od strane Vlade Federacije Bosne i Hercegovine, odredbe člana 56. Zakona o principima lokalne samouprave ("Službene novine Federacije Bosne i Hercegovine", broj 49/06.) kojom je propisano da su "Federalne odnosno Kantonalne vlasti dužne u najvećoj mjeri konsultirati jedinice lokalne samouprave u postupku donošenja propisa koji ih se izravno tiču", a odluke Vlade se, prema zakonima, takođe smatraju propisima.

- Dvanaest. Gradsko vijeće Tuzla i Grad Tuzla posebno upozoravaju na okolnost da je veći dio površine Vojnog objekta Ljubače minirano područje prema podacima BH MAC-a 115.985 metara kvadratnih površine te da deminiranje ovog područja nije moguće izvršiti u kratkom niti u nekom dužem roku.

- Trinaest. Gradsko vijeće Tuzla traži od nadležnih organa da registracioni centar za strance bude na državnoj granici, kako bi se spriječilo nekontrolisano kretanje stranaca od granice do ulaza u grad Tuzlu pa i boravak u gradu Tuzla bez odgovarajućih identifikacionih dokumenata a posebno za regiju Sjeveroistočne Bosne u Zvorniku i Bijeljini, gdje je ulazak migranata najveći.

- Četrnaest. U cilju zaštite sigurnosti građana, tražimo promjenu prakse kada je u pitanju provjera identiteta migranata na način da se u registracionim centrima odmah izdaju identifikacioni dokument sa fotografijom migranta, ovjeren važećim pečatom, kako bi se spriječile moguće zloupotrebe identiteta migranata.

- Petnaest. Gradsko vijeće Tuzla upućuje zahtjev Vladi Tuzlanskog kantona za povećanje broja policajaca u cilju zaštite sigurnosti građana i imovine u situaciji povećanog broja ljudi koji dolaze i borave na području grada Tuzle.

- Šestnaest. Tražimo od svih nivoa vlasti da iskoriste sve mehanizme, kako bi se građanima obezbijedila i sačuvala njihova sigurnost, sigurnost njihove imovine i sigurnost kretanja.

- Sedamnaest. Upozoravamo da Grad Tuzla neće dozvoliti smještaj migranata na svom području ali smo spremni, ukoliko to bude potrebno, i finansijski podržati premještanje migranata koji se trenutno nalaze na području grada Tuzla na drugo adekvatno područje, po mogućnosti nenaseljeno područje, u kojem bi se migrantima, u cilju zaštite njihovog života i zdravlja, posebno u zimskim uslovima, obezbijedio smještaj, hrana, higijena i zdravstvena zaštita ali bez narušavanja prava i sigurnosti lokalnog stanovništva.

- Osamnaest. Gradsko vijeće Tuzla i gradonačelnik Grada Tuzle će i dalje pratiti aktivnosti na uspostavljanju migrantskog centra u Vojnoj kasarni Ljubače te će, ukoliko dođe do implementacije Odluke donesene od strane Vlade Federacije Bosne i Hercegovine, ponovo adekvatno, u skladu sa svojim ovlaštenjima, djelovati.

- Devetnaest. Traži se od Vlade Federacije Bosne i Hercegovine da do naredne redovne sjednice Gradskog vijeća Tuzla koja će se održati 28. novembra 2019. godine stavi van snage Odluku da se kasarna u Ljubačama dodijeli Vijeću ministara - Ministarstvu sigurnosti Bosne i Hercegovine za smještaj migranata te da o tome odmah obavijesti Gradsko vijeće Tuzla, u suprotnom će Gradsko vijeće Tuzla podnijeti zahtjeve nadležnim organima za procesuiranje odgovornih zbog pokušaja izazivanja opće opasnosti kao i o podržavanju protesta kojima će se predstavnicima mjesnih zajednica i drugim građanima Grada Tuzle pridružiti i vijećnici Gradskog vijeća Tuzla.

## **MIREL MIŠKOVIĆ**

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da su zaključci, koje je pročitala sekretar Gradskog vijeća jednoglasno usvojeni, 26 vijećnika je glasalo za, nije bilo glasova protiv i nije bilo suzdržanih glasova.

1. Konstatuje se da je Vlada Federacije Bosne i Hercegovine, Odlukom od 14.11.2019. godine, da se kasarna u Ljubačama dodijeli Vijeću ministara - Ministarstvu sigurnosti Bosne i Hercegovine, prekršila odredbe člana 4. stav 6. Evropske povelje o lokalnoj samoupravi, jer prije donošenja navedene Odluke, koja se direktno tiče građana u Gradu Tuzli i Gradu Živinice, između kojih i na čijim teritorijama se kasarna nalazi, nije konsultovala lokalne vlasti nijedne lokalne zajednice, već je Vlada Federacije Bosne i Hercegovine takvu obavezu

svjesno izbjegla. Podsjećamo, da je navedenom odredbom člana 4. Evropske povelje o lokalnoj samoupravi propisano sljedeće:

*„6. Lokalne vlasti će biti konsultovane, u najvećoj mogućoj mjeri, pravovremeno i na odgovarajući način, u procesu planiranja i donošenja odluka o svim stvarima koje ih se direktno tiču“.*

**2.** Smatramo da je donošenjem Odluke Vlade Federacije Bosne i Hercegovine došlo do uznemirenja lokalnog stanovništva, kako u Tuzli, tako i u Živinicama i tražimo od Vlade Federacije Bosne i Hercegovine da navedenu Odluku stavi van snage, a od Vijeća ministara Bosne i Hercegovine i Ministarstva sigurnosti Bosne i Hercegovine da se preduzmu adekvatne mjere i hitno obezbijedi lokacija, koja je pogodna da se migrantima obezbijedi adekvatan boravak i zaštita, shodno odredbama Međunarodnog pakta o ekonomskim, socijalnim i kulturnim pravima iz 1976. godine, a da se pri tome ne izaziva uznemirenost i ne ugrožavaju prava i slobode lokalnog stanovništva.

**3.** Migrantima treba pomoći ali ne na štetu lokalnog stanovništva. Zato tražimo da se lokacije za smještaj migranata obezbijede na prostoru koji nije uopšte ili nije gusto naseljen, odnosno da se ne nalazi u blizini velikih centara. To je bila praksa u susjednoj Srbiji i danas je takva praksa svuda u Evropi i svijetu.

**4.** Ponovno tražimo da nadležni organi (Tužilaštvo Bosne i Hercegovine, Sud Bosne i Hercegovine, Državna agencija za istrage i zaštitu i druge nadležne agencije) učine sve da se prekine lanac krijumčarenja ljudima (migrantima) i u tom smislu zatraže pomoć susjednih zemalja i Evropske unije.

**5.** Zahtijevamo zatvaranje granica Bosne i Hercegovine na način na koji su države članice EU, Bugarska, Rumunija, Mađarska, Hrvatska i Slovenija, zatvorile svoje granice, pod uvjetom da državna policija izbjegne ugrožavanje života migranata.

**6.** Pozivamo nadležne da nam dostave odgovor o tome, da li su i šta učinili po pitanju realizacije zaključaka Gradskog vijeća Tuzla sa tridesetčetvrte redovne sjednice od 27. 6. 2019. godine, donesenih povodom Informacije u vezi sa migrantskom krizom i ulaskom i boravkom migranata na području grada Tuzle sa prijedlogom mjera te upućujemo urgenciju za realizaciju zaključaka Gradskog vijeća Tuzla, usvojenih na tridesetčetvrtoj redovnoj sjednici, održanoj 27. 06. 2019. godine, prilikom razmatranja Informacije u vezi sa migrantskom krizom i ulaskom i boravkom migranata na području grada Tuzle sa prijedlogom mjera.

**7.** Apelujemo na međunarodnu zajednicu da problem migrantske krize rješava na mjestu nastanka odnosno da radi na rješavanju krize i poboljšavanju životnog standarda i osnovnih uvjeta za život ljudi u zemljama iz kojih dolaze migranti.

**8.** Gradsko vijeće Tuzla traži od Skupštine Tuzlanskog kantona da što prije zakaže vanrednu sjednicu povodom Odluke Vlade Federacije Bosne i Hercegovine od 14.11.2019. godine, da se kasarna u Ljubačama dodijeli Vijeću ministara - Ministarstvu sigurnosti Bosne i Hercegovine za smještaj migranata te sugeriše Skupštini da se, u cilju zaštite sigurnosti građana Tuzlanskog kantona, usprotivi Odluci Vlade Federacije Bosne i Hercegovine.

**9.** Gradsko vijeće Tuzla podržava zaključke sa zajedničkog sastanka Savjeta Mjesne zajednice Ljubače, Savjeta Mjesne zajednice Pasci, Savjeta Mjesne zajednice Husino, Savjeta Mjesne zajednice Kiseljak i Savjeta Mjesne zajednice Par Selo i Savjeta Mjesne zajednice Suha, održanog 16. 11. 2019. godine u povodu informacije o mogućnosti otvaranja kampa za migrante na području Mjesne zajednice Ljubače koju je donijela Vlada Federacije Bosne i Hercegovine, bez prethodne konsultacije i saglasnosti sa lokalnim zajednicama, u koji bi se izmjestili migranti sa područja Unsko-sanskog kantona te ostalih dijelova Bosne i Hercegovine.

**10.** Gradsko vijeće Tuzla podržava zaključke Gradskog vijeća Živinice sa vanredne sjednice, održane 15. 11. 2019. godine kao i razloge zbog kojih se Gradsko vijeće Živinice oštro protivi otvaranju kampa za migrante u Vojnom objektu Ljubače.

**11.** Gradsko vijeće Tuzla izražava nezadovoljstvo grubim kršenjem, od strane Vlade Federacije Bosne i Hercegovine, odredbe člana 56. Zakona o principima lokalne samouprave ("Službene novine Federacije Bosne i Hercegovine", broj 49/06.) kojom je propisano da su *"federalne odnosno kantonalne vlasti dužne u najvećoj mjeri konsultirati jedinice lokalne samouprave u postupku donošenja propisa koji ih se izravno tiču"*, a odluke Vlade se, prema zakonima, takođe smatraju propisima.

**12.** Gradsko vijeće Tuzla traži od nadležnih organa da registracioni centar za strance bude na državnoj granici, kako bi se spriječilo nekontrolisano kretanje stranaca od granice do ulaza u grad Tuzlu pa i boravak u gradu Tuzla bez odgovarajućih identifikacionih dokumenata a posebno za regiju Sjeveroistočne Bosne u Zvorniku i Bijeljini, gdje je ulazak migranata najveći.

**13.** U cilju zaštite sigurnosti građana, tražimo promjenu prakse kada je u pitanju provjera identiteta migranata na način da se u registracionim centrima migrantima odmah izdaje identifikacioni dokument sa fotografijom migranta, ovjeren važećim pečatom, kako bi se spriječile moguće zloupotrebe identiteta migranata.

**14.** Gradsko vijeće Tuzla upućuje zahtjev Vladi Tuzlanskog kantona za povećanje broja policajaca u cilju zaštite sigurnosti građana i imovine u situaciji povećanog broja ljudi koji dolaze i borave na području grada Tuzle.

**15.** Tražimo od svih nivoa vlasti da iskoriste sve mehanizme, kako bi se građanima obezbijedila i sačuvala njihova sigurnost, sigurnost njihove imovine i sigurnost kretanja.

**16.** Upozoravamo da Grad Tuzla neće dozvoliti smještaj migranata na svom području ali smo spremni, ukoliko to bude potrebno, i finansijski podržati premještanje migranata koji se trenutno nalaze na području grada Tuzle na drugo adekvatno područje, po mogućnosti nenaseljeno područje, u kojem bi se migrantima, u cilju zaštite njihovog života i zdravlja, posebno u zimskim uslovima, obezbijedio smještaj, hrana, higijena i zdravstvena zaštita ali bez narušavanja prava i sigurnosti lokalnog stanovništva.

**17.** Gradsko vijeće Tuzla i gradonačelnik Grada Tuzle će i dalje pratiti aktivnosti na uspostavljanju migrantskog centra u Vojnoj kasarni Ljubače te će, ukoliko dođe do implementacije Odluke donesene od strane Vlade Federacije Bosne i Hercegovine, ponovo adekvatno, u skladu sa svojim ovlaštenjima, djelovati.

**18.** Gradsko vijeće Tuzla i Grad Tuzla posebno upozoravaju na okolnost da je veći dio površine Vojnog objekta Ljubače minirano područje (prema podacima BH MAC-a 115.985 m<sup>2</sup> površine) te da deminiranje ovog područja nije moguće izvršiti u kratkom niti u nekom dužem roku.

**19.** Traži se od Vlade Federacije Bosne i Hercegovine da do naredne redovne sjednice Gradskog vijeća Tuzla koja će se održati 28. 11. 2019. godine stavi van snage Odluku da se kasarna u Ljubačama dodijeli Vijeću ministara - Ministarstvu sigurnosti Bosne i Hercegovine za smještaj migranata te da o tome odmah obavijesti Gradsko vijeće Tuzla, u suprotnom će Gradsko vijeće Tuzla podnijeti zahtjeve nadležnim organima za procesuiranje odgovornih zbog pokušaja izazivanja opće opasnosti kao i o podržavanju protesta kojima će se predstavnicima mjesnih zajednica i drugim građanima Grada Tuzle pridružiti i vijećnici Gradskog vijeća Tuzla.

S obzirom da smo iscrpili dnevni red, zaključujem 4. vanrednu sjednicu Gradskog vijeća Tuzla u 15:12 sati.

**STENOGRAM SAČINILI:**

**Senada Karabegović**

**Jasminka Delalić**

**P R E D S J E D A V A J U Ć I**

**dr.med.sci. Aleksandar Vujadinović s.r.**